

dênin, pasal khomin Kristaa a`rpelût hrang a ni. Khan, Krista khah an Rengpa nina angin an nuna an hmang suamin chu, irngeina hong om ta a ti. Krista khomin Koiindang a lungthung ang dênin pasalhai khomin an dôngmahai lung an thung hrang a ni. Kha zoia chu inhlan taka lungthungna neiin a nupang khah a enkol hrang a ni (I Kor. 13:5).

Kristian insûngkuahai hih Krista`n Koiindang leh irkaina a nei anga irlim a ni. Iamtu murdihai hih taksa pumkhat an nia; khasikin, iamtuhai murdi hih taksa puiinhlingtir hranga lungthungna tak neia irchangpui a nang a ni (Efe. 4:16). Krista pumkhat ei nih ti inhri-atna a ni. Khan, Pathian Irtha ei nuna sin a tho`n chu lôm theina, raifâna le irpelûtna nei theia sêngkua hi vânrâm a chang thei tâk a ni.

Insîrsôpna :


1. Kristian sêngkua hih vânrâm insûngkua a ni theina hrangin itinmo Koi-indangin a indingtir thei hrang? Hihai hih insîrsôp le thurôn (advise) irpehlômin a satnahai lâklût ni ri se.
2. Mâni mimal nuna hin kumina beirual thupui ata hin imo ni hmupui? Mi danghai kuang insîr roh.


Chongchai thupui :

1. Mâni mimal, Koiindang le sêngkua tin hin Irtha Irthiang ei sip

Cachar Hill Tribes Synod Beirual Programme, 2009.

1st - 30th September, 2009.





Thupui: Nangni chu Nam Inthang nin nih.

(You are a chosen race)

Siamtu,

Rev. David T. Lhouvum.
Secretary,
Mission Board,
Cachar Hill Tribes Synod.

Kumin 2009-ah Beirual Program hmang thei nôk hrangin zoro satak ei hong phâk nôk tâk sikin ni hruaitu ei Pathian chu inpâkin om ri se.

Synod Beirual Program hih a kum tin English chong ata mâni chonga irhletin Koiindang tina semsuak a ni ngaia; khang khan, kumin khom sataka book-ah siamin sem a ni. Koiindang le mimal tinin hi Beirual Program bu hih ngaipoimo le kuluk taka tel le hmang hrangin Krista irhmingin ngên ei ni.

Hi Beirual Program bu-a hin a châina, type insualna, etc khom a om thei; ziaktu le irhlettuhai ata irngaithiamna ngên a ni.

Hi Beirual hmangtuhai Pathianin satvurhai ri se.

Sd/-
Rev. S.C.Lala,
Executive Secretary,

Pathian thupêk lamin, “Irtha Irthiangin sip roi” ti hih a thupêk le zôm hrangin a ni nuam a ni. Hi omzia tak chu mâni nuam dân, ngaidân, thîr dân le lungrîla insâpna khoma hin Irtha Irthiang kaihruaina le thu inneitir tihna ang a ni (Efe. 5:18; Joh. 20:22; Tir. 18:2-4).

Paula’n fel takin hiang hin a ti - sêngkua murdi hin Irtha Irthiangin thu a neiin chu, sêngkua hih irnêng chung a vânram angin hril thei a ni. Kha tena chu raifâna hai, lômna hai le irpêklûtna a chang thei tâk a ni.

1. Raifâna (Efe. 5:19) : Tirtôn Paula’n raifâna hih Irtha Irthiang ra inkhatna chu a nih tiin a hril (Gal. 5:22). Kristian raifâna ti hih indôi tenga hong irzirsuak ni maka, a lum le dâi irkhîna (Thermometer) anga voikhat irsâng le irhnuitir anga sêngkua irhu irthûl ang ni maka. Khang nêkin, Kristian raifâna chu inthûk taka a takram ngêta inhriatna, irtemna inruk nei le ei kôlvêla irhu tam tak ni rhual vêl lai khoma irthaa irnghatna nei hi a ni ual. Kristianhai chu intakna le dengtheina kâra khom hin raifân maia om hrangin a nin hril a ni (Fil. 4:11; I Kor. 4:11; Sam 42:8; Tir. 16:25)

2. Lômthu hrilna (Efe. 5:10) : Eini chu zoro bîk neihaia vaih hin lômna ei nei ngaia, Paula’n zoro tina thil tinrênga khom lômthu hril mai hranga thupêk a ni. Hi omzia tak chu, Kristianhaiin lusûnna hmuna, intângna inhaia beiindong lai le intak lai khoma lômthu insîr mai hranga ngên a ni (Efe. 1:16; 5:14,20; Kol. 1:3,12; 2:7; 3:17; Fil. 1:3). Hianga intakna tinrênga khom lôm thei maina hrangin chu Pathian Irtha changpuina ei innang a nia, mihriam hrâtna hin hi thupêkhai hih zôm suak zoi thei ni no ni.

3. Irpêk lûtna (Efe. 5:21-33) : Paula’n nupa kâr le nupa le nâipang (6:1-4) suak le puhai (6:5-9) laia khom hin irngeina hi thubul anga hmang hrangin a inuam a ni. Khakhêla, mi danghai leh khoma irngei taka irpelût hrang dânhai khom a nin hril sa a ni. Hianga irpelûtna hin thuneina murdi a`rfang suak ngai a ni. Khaanga irpelûtna khan thuneina hmang dânhai khom itinmo a pêk thei dân

MICHIKHUR BIAL NAIPANG INKHOMPUI, 2011.

**VOI SOMHLEIHNINA
(12th ANNUAL CONFERENCE)**



A Hmun (*Venue*) : P. C. I. Lower Michikhur.
A Nikhua (*Duration*) : 30th Sept. - 2nd October, 2011.
Thupui (*Theme*) : “Sin sa sin hnông no ro.”
Thuhriltu (*Speaker*) : Upa Puithoi, P. Zoar.

SINPELTUHAI (OFFICE BEARERS)

1. Leader : Upa Puithoi.
2. Leader Elect : Upa Thirmenthoi
3. Sr. Secretary : Pu. Simlailril
4. Jr. Secretary : Rt. Roingirbul (*Kalu*).
5. Treasurer : Upa Sonbul (*Pasen*).

30th Sept. 2011 (Irtanni) :
1:00 - 5:00 PM : Registration
6:00 PM. : Mipui Inkhôm
Chairman : Leader
Mikhual lômna : Pu Joithang, L. Michikhur.
Report : Units tina Report.
8:00 P.M. : Roirêlna (*Session / Committee*).
A hmun : Biak Ina.

1st October, 2011 (Irtôngni) :

6:30-8:00 : Devotion & Charecter Study.
Hruaitu : Pu. Roibullian, Dolaichunga

8:00-9:00 A. M. : Zîng bu nêkna (*Lunch*).

9:30-12:00 A. M. : Irsiatna (*Competition*) -I.
Mimal Hla sakna (*Solo*).
12:00- 1:00 P. M. : Chatui inna (*Light Refreshment*)

1:00 - 3:00 P. M. : Irsiatna (*Competition*)-II
Bible Recitation.
4:00-6:00 P. M. : Khohloi bu nêk (*Dinner*)

6:00-8:00 P. M. : Mipui Inkhôm
Chariman : Leader.
Thuhriltu : Upa Talchung , N. Michikhur.
Tholôm (*Offering*) : Naipang Inkhôm pui Fund

8:00 P. M. : *Fellowship - I & Handicrafts Selling*

2nd October, 2011 (Pathianni):

6:30 -7:30 A. M. : Devotion & Charecter Study
Hruaitu : Rev. S. C. Lala, *i/c. Bial Pastor.*
7:30 - 9:30 A. M. : Zing bu nekna (*Lunch*)
9:30 - 12 Noon : Irsiatna (*Competition*) - III
Zaipol (*Choir*).
12 :00- 1:00 P. M. : Chatui inna (*Light Refreshment*).

1:00 - 3:00 P. M. : Art & Drawing Competition - IV
Hruaitu : 1. Pu. Joikhup, 2. Pu Roibullian
3. Pu Darthoilian

3:00- 4:30 P. M. : Free Time

4:00-6:00 P. M. : Khohloi bu nekna (*Dinner*).

6:00 - 8:00 P. M. : Mipui Inkhom

Chairman : Leader

Thuhriltu (*Speaker*): Upa Puithoi, outgoing Leader).

Thupui (*Theme*) : “Sin sa sin hnong no roh”.

Tholom (*Offering*) : Bial Naipang fund.

Inkhompui Report : Secretary.

Vote of thanks : From O.B.

8:00 P. M. Onwards : Fellowship- II & Prize Distribution.
Hruaitu (conductor): Leader & Secretaries.

N.B.:- *Competition-ah changtuhai (participants) murdihai
chu photograph session nei ni a ti.*

Photograph session nei ni a ti. (Time:- 1:00 - 4:00 P.

Sd/- Upa Puithoi,
Leader,
Naipang Inkhompui, 2011.

Sd/- Pu. Simlabil,
Sr. Secretary,
Naipang Inkhompui, 2011.

Sd/- Rt. Roingirbul (Kalu),
Jr. Secretary,
Naipang Inkhompui, 2011.

(iii)

**MICHIKHUR BIAL
NAIPANG INKHOMPUI IRSIATNA (COMPETITION), 2011.**

I. MIMAL HLA SAK (SOLO): -

1. Beginner le Primary = (Rolkhom Hla Bu No. 105).

“Ei dam sung zoro toite hi, ei Pa sin seng tho ei
ti...”

2. Junior, Intermediate le Senior = (Rokhom Hla Bu No. 106).

“Hnuaiaksa'n fana hrangin, a lum a dai hnuiaa sintho a nang...”

N.B.: *Solo-ah chu Musical Instrument- Perkuang khom hmang thei a ni.*

II. ZAIPOL (CHOIR) :-

1. Beginner le Primary = Hrangkhoh Hla Bu No. 398.

(Mizo HlaBu No. 477).

“Jerusalem Nuhai'n, an naihai Jisua kola....”

2. Junior, Intermediate, Senior = Hrangkhoh la Bu No. 399.

(Mizo Hla Bu No. 478).

“Jisua kuang fe ki ta.....”

III. BIBLE EN LOIA TEPNA (BIBLE RECITATION): -

1) Mimala tepna (*Individual*): -

a) Beginner le Primary = Galatia 6:1-10.

b) Junior, Intermediate le Senior = II Thess. 3:6-15.

2) A pala tepna (*Group*): -

a) Beginner le Primary = Tita 3:1-7.

b) Junior, Inermediate le Senior = Efesi 2:1-10.

Jisuan, “Naipangtehai kha ki kuang inhongtirhai inglan,
khaphai no roi, Pathian Ram chu hiang mihai ta keng
a ini’. (Mk. 10:14).

(iv)

29th September, 2009 (Sinnôkni) :

Thupui : 29. Kristian pahai (Christian fathers)

(Efe. 6:4; Kol. 3:21)

Chairman : _____

Thuhritu : _____

Kum lei fe tâka khan, Windsor-in hiang hin a ti, “America rama insûng tinhai khun nâipang ti no’n chu thil tinrêng hai hih electric khôlh hai hmangin irenkol ngai a ni” a ti. Bible-ah insûngkua nu le pahai in mâni nâi le tehai uksak rak loi le irchu theihai loi sika nu le pa ta hranga sat loina tam tak hong omhai ei hmu thei a ni. Davida’n a nâipa Absalom chung a hoinhâina a pêk sikin, a pa ta hrangin a saloi angin an langa, a ra chu chap le phengna a ni. Ochai Eli khomin a nâihai a kaihruai inhne no sikin a ta hranga hmâmôk le inzakna a chang pe tâka, Israel ram ten khomin siatna a chang phâk a ni. Kha khêla khom thurchi dang irziak tam tak hmu theiin a la om sa a ni.

Tirtôn Paula khomin nâi le tehai chung a pahai mophurna tam tak a pêk thuhai a nin hril a ni :-

1. Ninginmurtirhai loina : Tirtôn Paula hun lai khom khan pahai

hin sûngkua thuneina lian tak le irsâng tak an nei a ni. Romanhai sûngkuaa nâite a hong suakin chu, entirna’n, nâite khah pa ke bula hong sia an ta, a pa khan a lâkin chu insûngkua hrangin a pom tihna a ni. Khan, a lâk no’n chu, kha nâi khah a hnôlpai tihna ang a nia, a nuamin chu a zuar theia, mi dang a pêk theia, that khom a thatpai thei a ni. Hianga hin kha lai khan dân anga an lei itho ngai a ni.

Nu le pahai thua tirtôn Paula’n hiang hin a ni hril a ni. “Nin nâipang hai ninginmurtir no unglân, Rengpa irchutirna le sepnâa khan enkol lem roi” (Efe. 6:4). Paula’n Kolosa mihai kuanga hiang hin a rziak, ‘Pahai khom nin nâihai ninginmurtir

BEIRUAL PROGRAMME, 2009.

Cachar Hill Tribes Synod.

September 01 - 30, 2009.

Thupui : Nangni chu Nam Inthang nin ni.

Group - A : Nangni chu Nam Inthang nin ni (Sept. 1 - 10)

Group - B : Koiindang Mission (Sept. 11 - 20)

Group - C : Kristian In le insûngkua (Sept. 21 - 30).

Tholôm (Offering) :

6th Sept. 2009 (Pathianni) : Mobile Theological Fund.

13th Sept. 2009 (Pathianni) : Synod Mission Fund.

20th Sept, 2009 (Pathianni) : Pastors’ Medical Fund.

27th Sept, 2009 (Pathianni) : Pastors’ Medical Relief Fund.

Ngênna (Appeal) :

Koiindang tinin hi a hnuai fund irhminga tholômhai hin irphal taka pe hrangin ngên nin nih.

1. Mobile Theological Fund :

Mobile Theological School irphutna chu Neitherland Koiindanga changpuina ata a ni. Kum 2001 rengata chu C.H.T. Synod-in hi MTS hih changpui ta hrangin a tum tâka. Khaangin, ei MTS sinthôna changpui hrangin a ruk tôka fund inding hrangin lampui ei izong mai a ni. MTS fund hrangin hi Beirual Program sûnga hin tholôm voikhat vaih ei neia, kha ti no chu ei Synod sûnga hin a dang nei mak meh. Khasikin, thilphal taka pe hrangin irsiam ei ti. Pêkna lama ni irphalna hin MTS sinthôna fe thiaia hin a inhrâtir mai a ni.

2. Pastor’s Medical Fund :

Ei Synod-a hin Pastor’s Medical Relief fund hih sum suakna

ni. Khasikin, ei Synod le mi mimalhai khomin ei Pastor-hai natna le dengthei an tuang laia changpuihai hrangin Pastors' Relief Fund hrangin irphal taka pe hrangin ngên nin nih.

Sd/-

Rev. David T. Lhouvum, B.D; M.Th;
C.H.T. Synod Office.

dân dikna chu atûn ten hin Pathian irthiangna a zuang inlang maia, nî tîna ei hringnuna dikna ei hmang theina hrangin Irtha Irthiangin a ni ompui mai ngai (Rom. 8:1-4).

“Nupa mahrip tho” ti hih ‘nupa hê lâk’ ti nêkin a`rsâng ual a ni. A omzia chu nupa mahrip tho hrang, inza hrang, lungthung hrang, donsui hrang, an innang lam ang taka donsuihai hrang a nia, ei lêng lama khom mahrip tho hrang a ni.

4. Thuôina hih satvurna a ni (Efe. 6:2-3) : Kristian nâipang, nupa thuôi le nupa mahrip tho chu satvurna inhni dong a ti.

- a) Ni ta hrangin sa a ti.
- b) Irnênga hin dam insôt ni ti.

Aniach, nâipang laia lei thi tâkhai hih an nupahai mahrip tho loi le hê lâk loa thi tihna chu ni ual mah. Paula'n a omzia bulpui a siam chu- Rengpaa khan nâipanghaiin an nupahai thu an ôiin chu, sualna le ichiom rengata zôk thei an ta; khanchu, kha sualna porinchena khan an hringnun an siat thei sikin, nupa hê lâkin lôipai thei an ti. Khan, hringna hih zoro sei hmang insôt tihna ni maka, mihriam hringnun hlutna le satna, dikna lam tianga irkhina a ni ual. Pathianin nâipang thu ôi mi chu hi irnêng chung a lêng sâng khom hin sat a vur mai ngai.

Khasikin, nâipanghaiin an nupa thu an izôm ngêt hrang a ni, a san chu kha thu ôina khah Pathian thusômpêk a ni sikin (Exo. 20:21). Thu ôi loi nâipanghaiin sâng tam tak sângkua irngei loina le hremhmun an inchangtir ta.

Insîrsôpna :

1. I sakhua nun mo sângkuaa hin a inei? le nâipanghai irchûna pêk
hrangin imo a hlu tak hrang?

Chongchai thupui :

Thu ôi loi nâipanghai le inmôl nâipanghai ta hranga chongchaina nei hrang, khanchu nâipa irhmang (Lk. 15:11-24) angin an

28th September, 2009 (Sinphutni) :**Thupui :28. Kristian nâipanghai**
(Efe. 6:1-3; Rom 8:1-4).

Chairman : _____

Thuhriltu : _____

Tholôm : Literature Fund

Paula'n Kristian nâipanghai chu an nupahai hê lâk hrangin fûina a pêka. An nupahai hê lâk ngêt a nangna sanhai thupui minli a pêkhaia :-

1. Rengpaa Kristian nâipanghai an ni : Kristian nâipanghai hih

Pathian insûngkua mi an ni. Sual suaka zôk tâkhai khom sian, Kristian nuna tho ngêt hrang poimo ata chu zalên thei ni mah. Itinrênga, nâipang hih Krista iamna vaih hin insûngkuua nâipang sa a ni thei. Hitaka hin irrualna le irngeina om hrang chu - Krista kuang Koiindang a irpêklût angin, dôngmahaiin an pasalhai kuang an irpelût hrang a ni. Krista'n Koiindang lung a thung angin pasalin a dôngma lung a ithung hrang le ama ta hrangin a irpêk hrang a nia; an nâihaiin Rengpaa an nupahai thuzômin an om mai hrang a ni. Kristian nâipanghai thotum masa tak le lian tak chu Rengpaa an nupahai thu ôina hi a ni.

2. Thuôina hi a dik (Efe. 6:1) : Thuôina hi Pathian namindet a ni

sikin sinthôna tina thuôina hi a dik tak a ni. Hi rammuala hin, nupahaiin an lei hong kaihruaihaia, nâipanghai nêkin chu nupa vârna, inhriatna le a takram lei hronahai a tam sikin hriatna an nei intam uala; khasikin, nâipangin chu a nu le pa thuôina hnuaia a iom ngêt hrang a ni.

Khannisianlân, tûnlai rammuala chu hi thuôina hih a lelam tiang a hong om ta. Nupahaiin insûngkuua buaina le irngei loina-hai a om thei nona hrangin an nâihai thu kêng an ôi ngai tak a ni.

A sûnga thu omhai (Contents) :Phêk**Thumahruai :****A. Nangni chu nam inthang nin ni (Sept. 1 - 10) :**

1. Nam inthang hi tu ma ni?	1
2. Thuthung Luia Nam Inthang	2
3. Thuthung Thara Nam Inthang	3
4. Nam Inthang nina san.	4
5. Nam Inthang mizia.	5
6. Nam Inthang sinthônahai.	7
7. Nam Inthang irpumkhatna le inthuralna	9
8. Nam Inthang mi chu sabeina Hring a nei.	11
9. Nam Inthang chu Pathian suakhai an ni.	13
10. Nam Inthang roiinpuina.	

B. Koiindang Mission (Sept. 11 - 20) :

11. "Mission" ti hih i mani?	
12. Ke enhoi	
13. Khôn mo fe hrang Thurchi Sa (Gospel) hril.	
14. Krista roiinpuina Gospel	
15. Gospel Thu	
16. Mikothai irhong	
17. Missionary koina	
18. Nu - pa ni hranga koina	

C. Kristian Insûngkua le in (Sept. 21 - 30) :

21. Kristian Irneina
22. Kristian Irneina (irzompui)
23. Kristian Insûngkua
24. Tûnlaia Kristian Insûngkua sa.
25. Fel taka Insûngkua inding.
26. Kristian Insûngkua Maichâm
27. Insûngkuahai changpui hranga Koiindang mophurna
28. Kristian nâipanghai
29. Kristian Pahai
30. Ni insûngkuaa vânram.

dânhai khom hi insûngkuaa satakin an irsoli thei hrang a ni. Insûngkua irchutirna hin sûngkua hlutna hi zong suaka inhri-attir hrang a ni. Insûngkua irchutirna hin khotâng nun, nupa mophurna, fel le sataka irkai dân, irlo tin irzom dân irchutir-nahai hih insûngkua irchutirnaa hin a nang sabak a ni.

2. Nâipanghai Irtha nuna an intakna ngaituapui hrang a ni :

Koiindanghai malâkna le Irtha kaihruaina dik tak boiin chu mi tam tak an irhmang ngai a ni. Tûnlaia nâipang tam takhai khom khah sakhua uksak loi insûnga an hong irsôn liana. Nâipang tamtak nupa neihai khomsian, irtha thi vâng vângin an om zoi tâka, inkhôm an fe maia chu Bible tep loi le nâipanghai leh chongchaina (sûngkua inkhôm) nei loiin an om. Kristian irchutirna khom inah hmang loiin an oma.

Nikho khat chu hi nâipanghai hin mong nî nei loi Pathian la`rtongpui ngêt an ti! Khasikin, Koiindang mophurna lian tak chu nâipanghai hrangin insûng tina Irtha nun dik irchutir hrang a ni. Itinmo hi rammuala thil sa tinrêng pehai ta inlân; khanchu, irtûng loi takin Pathian irtongpuihai sian, nâipanghai sabe tak chu Krista a ni sikin. Koiindanghai sintum tak chu nâipanghai irtha bu pêka sataka ensui hrang an ni.

Insîrsôpna :

1. Itin takin mo Koiindanghaiin insûngkua intakna lamhai rêl infel nihai?
2. Itin angin mo ei Kristian insûngkua hih sinsiamin le ei inhrâthai hrang?

Chongchai thupui :

1. Ei Koiindang sûnga insûngkua nupa le nâipanghai murdi ta hrangin
chongchaia, Pathianin ei lungrîl ngaituanahai invârin Pathian Thu tianga enkol thei le irpêk zoina satak an nei theina

Insîrsôpna :

1. Tûnlai technology thil man tamhaia hin ei insûnghai a hong lûta hin,
itinmo insûngkua nun a khâlna?
2. Ei Koiindang sûnga insûngkua maichâm hi itina tho'n mo chungtuarin
a`rzôm thei hrang? Hrilsôpin masônna hrang lampui zongsuak roh.

Chongchai thupui :

Ei Koiindang le Synod huap sûnga Kristian sûngkua maichâm a hong irsôn theina hrangin chongchai ei ti.

+++++

27th September, 2009 (Pathianni) :

Thupui : 27. *Insûngkuahai changpui hranga Koiindang mophurna*
(Gen. 44:18-34; Jak. 5:19-20; Jud. 24,25).

Chairman : _____

Thuhriltu : _____

Koiindang iam lam chu insûngkua hi Pathian namindet a nia; kha insûngkua khotânga hlopkyat (unit) a ni angin khotân sinsiam hrang, mihriam sinsiam hrang le Pathian Ram inliantir hrang a ni. Khan, Kristian insûngkua sin poimo tak inkhat chu nâipang lai enkol hi a ni. Koiindang mophurna tak chu hi insûngkuahai saninzôk le sataka mânia saninzôk thei hranga insûngkua nâipanghai ensui hi a ni. Khan, nâipanghai an iamna tiang masôn taka puihling hranga ensui hi a ni sa. Kristian insûngkua chu Koiindang chontan chînte hong inding ang hi a ni.

1. Sûngkua irchutirna huap : Irchutirna'n sûngkua nunhai inrang taka ma insôntirna poimo tak le insûngkua sinthôna hran hran

1st September, 2009 (Sinnôkni) :

Thupui : 1. *Nam Inthang hih tu ma ni?*
(Exo. 19: 4 - 6; Deut. 7:6 - 8; I Pet. 2:9-10)

Chairman : _____

Thuhriltu : _____

Rammuala nam chi tam tak laia hin, Pathianin a bîk pialin Israel nam an thanga. Nam Inthang nina hih vânnaina a nia, mophurna lian tak khom a ni. Pathianin Israel mihai a inthangna san hih sakho mi le mi lian bîk an nina sika ni maka, Pathianin lung a thunghaia, an ren le an dit hraihaia sika a ni ual (Deut. 7:7 - 8).

I Pet. 2:9 & 10-ah Koiindang chungchâng hrilfiana leh Exo. 19:5 - 6 le Deut. 7:6-ah Pathianin Israel a hrilfiana hi ar ang. Tianlaia Pathian mihai chu Ama nam inthang le nam irthiang an ni. Hi thu omzia chu atûnlaia Koiindang hih Pathian ta a nia; khang khan rammuala Israel khom Pathian ta an ni. Hitak ata ei irchu hrang poimona chu - tu mo nam Inthang dik tak a ini ta hrang?

1. Nam inthang chu nam chi tam tak lai ata a hrana om, Pathiana
irpêk mi le Ama sintho hrang bîk hranga koi a ni. Hi zalênna hih sinthôna le mophurna a nia; sûnmatona Israel dik tak a irkôkna (Isa. 62:12) le Koiindang a irkôkna a ni (I Pet. 2:9).
2. Nam inthang chu Pathian Thuzôm mi le Pathian sinthôna lam irpêk
mi a ni (I Sam. 15:22).
3. Nam inthang chu Pathian ta bîk a ni. A Nâipa thisen leh a irchôk a
ni (Tir. 20:28).

Insîrsôpna :

1. Hi a chungha hrilfiana khêla, Nam inthang zia le nina bîk insîrsôp

2nd September, 2009 (Nilaini) :

Thupui : 2. Thuthung Luia Nam Inthang
(Isa. 42:1 - 4; I Chro. 16:13; Deut. 32:9)

Chairman : _____

Thuhriltu : _____

Thuthung Luia hin nam tam tak laia, Pathianin Israel an thanga. Khasikin, Israel hi Pathian Nam Inthang an nia; anni hih an dik le nam lian ual an ni sika ni maka, Pathianin lung a thung le an renhai bika a ni. Israel namhai hih Pathian ta bîk hranga inthang an ni. Khannisian, Israel mihai hih inthang an nina angin an sintum tho mahai, voi tam tak Pathian Thu zôm loiin an om tâka; khasikin, Pathian tiang an hong kîr nôkna hrang le Thu an zôm theina'n irlet hranga hremna tam tak an tong. Thuthung Luia Nam inthang mihai ata irchûna nei ei ti.

1. Nova Thuthungna (Gen. 9:9 - 13).
2. Abrahama koina (Gen. 12:1 - 2)
3. Israel inthangna (Isa. 43:10)
4. Israel ruk loina (Lev. 10:10).

Insîrsôpna :

1. Itho mo Pathianin Israel a inthang?
2. Itinmo Nam inthang mihai hih hlosamin an iom?

Chongchaina thupui :

Koiindang member murdihai ta hrangin.

Pathian khan hi insûngkua maichâm a indingna san tak chu insûngkua le khotâng siaminsatna hrang a ni.

2. Bible hril dân anga sûngkua maichâm : Eden irhuana sûngkua

hnotsuaka om khah insûngkua hrât loi a ni. Sualna'n a hringna le an sinthônahai khah a thuneina hnuaia a sia tâk sikin, nî tina an hringnun khah hmun tam taka hrât nona an chang ngai.

Rengpa'n irnênga mihriamhai pualoizia kha a hmua, an lungrîl ngaitua sualna khah porinchena tiang ringot ti an hriat suaka. Khasikin, Rengpa'n a mihriam siamhai khah irnêng ata inboipai a tum ta a ni. Kha zoro laia khan Rengpa mit hmua demna boi chu Nova-hai insûngkua vaih kha an nia. A mong dêna insûngkua maichâm neia Pathian leh irpôlkhômna nei ngai sûngkua vaihai khah tuilian ata inzôk an ni. Nova'n Pathian thu zômin irkuang lian tak a siama, ama le a insûng mihai khan tuilian irthokin inzôk an ni.

3. Tûnlaia insûngkua maichâm thar siam : Tuilian zoia khan irkuang ata an suak zoiin chu Nova le a insûng mihai khan rammual thara Rengpa tianga hrangin sûngkua maichâm an siama, khataka khan, inhlanna thilhai - sahai laia sa irthiang, le vahai laia va irthianghai khah Rengpa hrangin hâlirvôm thil inhlan khah maichâma khan an sia a (Gen. 8:20). Abraham le a insûng mihai khom-in sûngkua maichâm an lei siam ngaia (Gen. 12:7,8; 13:18). A nâi neisun Isaka khom khah Rengpa hrangin hâlirvôm thil inhlanin pêk a irngam a ni (Gen. 22:9). Isaka khom khah Rengpa hrangin s û n g k u a maichâma siam a ni (Gen. 33:20; 35:2).

4. Sûngkua maichâm omzia : Khan, mimala nang tak le poimo

tak chu chongchaia Pathian biak hi a ni. Khakhêla, sûngkua maichâm khom hih sûngkua pumpui satna hranga poimo tak a ni. Insûngkua maichâm hih Pathian sinthotheinaa sûngkua hringnun le Pathian hring sinthôna lampui satak a ni.

Insûngkua maichâm hi nâipanghai hrangin Pathian biak

hrangin a hringna kum sômhleiringa (15 years) a bôk pea. Kum tam tak hih ni insûngkua siaminsa hrangin Pathianin nang a ipêk ti nin hriat mo? Siaminsa hrangin kum tam tak nei mak che. Atûn hin phut roh.

Insîrsôpna :

1. Ei tualsûng Koiindanghaia hin insûngkua fel taka siaminsa a nang ti hih ei ngaitua ta mo? Insûngkua koidarh tâkhai siaminsa hrangin i tumna mo ei nei? Insîrsôp ni ri se.

2. Insûngkua koidarh tâkhai hih itho sika omna san tak ma ni?

Chongchai thupui :

Ei Koiindanga insûngkua koidarh tâkhai inhre mai ei ti. Pathian kuang ngaidamna zongin kha insûngkua koidarh tâkhai siaminsa nôk hranga chongchaipuina.

+++++

26th September, 2009 (Irtûngni) :

Thupui : 26. Kristian insûngkua maichâm

(Lev. 6:12,13; Efe. 3:14-19).

Chairman : _____

Thuhriltu : _____

Kristian insûngkuahai laia hin uksak loi le ei irnghil thei ngai tak chu insûngkua maichâm hi a ni. Atûnlaia hin insûngkua maichâm nei irzôm lolina sikin insûngkua tam tak hrât nona le koidarh a hong ni ngai.

1. **Sûngkua maichâm hong irphutna :** Eden irhuana sûngkua masa

hai khan a ni tin Pathian leh irpôlkhômin an om ngai. Kha irpôlkhômna khah sualna'n a koi indartir hnung ata chu sûngkua khom a hong koidarh sa tâk a ni.

3rd September, 2009 (Nilainichum) :

Thupui : 3. Thuthung Thara Nam Inthang

(Heb. 8:10 - 12; Efe. 1:3-10; Kol. 3:12 - 12)

Chairman : _____

Thuhriltu : _____

Thuthung Thara chu, Nam inthang hih Koiindang a hong ni ta. Pathianin a Nâipa, Jisua Krista ata inthang ei ni. A ni lungthung le inrenna sika Pathianin a ni inthang a ni (Joh. 15:10). Pathianin a rual hrangin a nin thanga (Joh. 15:10). Nam irthiang ei hong ni ta. Eini hih Ama ta bîk hranga inthang ei ni. Vân khua le tui mi nitna (citizenship) ei neia (Fil. 3:20); khasikin, Vânrâm dân ei zôm hrang a nia, irvâna Rengpa nuamlam ei izong hrang a ni.

1. **Tuhai mo Pathian mi ni loi?** Pathian mi ni loihai chu Jisua Krista zâra Pathian ata saninhringna la chang nohai hih Pathian ta ni mahai. Anni chu Setan le rammual ta an ni (Efe. 2:1-3; 11-19).

2. **Tuhai mo Pathian inthang bîkhai?** Pathian inthang bîkhai

chu Jisua Krista zâra Pathian ata saninhringna chang tâkhai an ni. Anni chu Pathian ta bîk an nina san chu, A Nâipa Jisua Krista thisen leh irchôk tâk an ni sikin (Tir. 20:28; Rom. 9:25; Tit. 2:14). Pathianin Ama ta hrang bîka a inthanghai an ni (Joh. 15:16).

Insîrsôpna :

1. Pathian inthang mi le inthang loi mi hih itinmo ei itheithâk thei hrang?

4th September, 2009 (Irtanni) :

Thupui : 4. Nam Inthang nina san

(Isa. 42:6; Mat. 5:14 - 16; Tir. 1:8)

Chairman : _____

Thuhriltu : _____

Pathianin mi a inthangna san chu sinthôna bîk hranga a ni. Thuthung Luia khan Pathianin Israel mipuihai hih Ama mi ni hranga an thanga, a inthangna san chu rammual invârtu (Isa. 2:6; 49:6; 60:1) hrangin le Rengpa hriatpuitu ni hranga inthang an ni (Isa. 43:10). Khaangin, Pathianin Koiindang le iamtuhai an thanga; a san chu, Nam tin êl invârtu ni hrang le Jisua Krista hriatpuitu ni hrangin a nin thang. Hi hih nam tin, chi tin laia Jisua Krista hriatpuitu nina inpuang hranga inthang a ni (Mat. 5:14-16; Rom. 2:19; Tir. 1:8).

Pathian Nam inthang nina sintum lian takhai chu :-

1. Rammual invârtu (Isa. 42:6; Mat. 5:14-16; Rom. 2:19).
2. Pathian le Jisua Krista hriatpuitu (Isa. 43:10; Joh. 3:11,32; 15:27; Tir. 1:8).
3. Nam irthiang le Rengpa Ochai (I Pet. 2:5,9; Rom. 12:1-2).
4. Pathian mi (Tir. 20:28; Heb. 8:10; 11:25; I Pet. 2:9).

Insîrsôpna :

1. Tûnlai dinghmuna hin Nam inthang hih itinmo a innun hrang?
2. Nam Irthiang ei ninaa hin ni tina ei hringnuna hin itinmo a takrama
irthiangna ei ihmang hrang?

palai (agent) a hmang ngaia. Setan doina ata insûngkua hih zôk no nia; khannisian, Irtha Irthiang changpuiin Nova, Joba le Davida angin Setan chu doi ei ta, ei inhne thei hrang a ni. Kristian insûngkua tam takin sabeidongna dinghmuna an oma, insûngkua sinsiam inthar an la innang mai a ni. Insûngkua koidarh le siat tâkhai fel taka inding nôk hrangin hi a hnuaiia thupuihai hi ngaitua ei ti.

1. Sataka insûngkua inding a nang : Ei insûngkua koidarh le

siatna dinghmun ei inhriat noa, insûngkua sa siamna lama tumna ei irsama, fel taka insûngkua sa inding a nang ti ei inhriat no'n chu ei insûngkua tam tak siatin irhmang zoi a ta, satakin inding thei no ni. Hezekia'n a insûngkua siat tâkhai an hriat infel tâk angin, eini khom ei chuk nona hai, ei sualna hai inhriat suakin, suakintharin Pathian tiang irnghata chongchaiin ei iom ngêt a nang.

2. Kristian insûngkua irngatna bul : Kristian insûngkua irngatna

bulpui dik tak inhriat infel ngêt a nang. Insûngkua chu Pathian Thu taka inding ngêt ri se. Lungthungna, inren irhlômna le inthornahai hih Bible ni irchu dân angin ei om no'n chu insûngkua hring no nia, raifâna khom om no ni (Sam 127:1; Thuv. 22:6; Efe. 6:1-6). Sûngkua sâng tam tak chu bâli kêra in an sina. Khasikin, hi rammuala hmun tam taka chu, irdoina hmuna rammual hi a doka, insûngkua saninzôk thei maka, a san chu insûngkuahai khah Pathian Thu irngatna an nei no sika an ni.

3. Insûngkua siaminsana hranga tho dân lâk : Ei insûngkua

hi fel taka siam insatna hrangin inrang taka lampui ei siam no'n chu lampui tam takin ei insûngkuahai siat zoi ngêt a ti. Insûngkua a hong siat hrang lam chu - sum puan le neina bukkhômna hranga irzukna hai, hur - nghal irzukna hai, thuneina irsâng irzukna hai, irtha hringnun ngaipoimo loina hai, sônmaton uksak loina haiin a hong iom hrang a ni. Khatak sika khan Koiindangin a member-hai hih taksa le irtha lam changkângna lam an pan maina hrangin lampui a izong mai hrang a ni.

(b) **Insûnga Krista hi nei roh** : Insûngkuua Krista nei hih insûngkuua

sinhotum a nia, mimala vaih hrang ni mah.

(c) **Koiindanga insûngkuua sa nei roh** : Koiindang le insûngkuua

kâra irkaina irnâi tak chu hlimom insûngkuua thu`rthup nei hih a ni. Koiindang le insûngkuua kâra hin sataka chongkhômna a nang. Khasikin, Koiindangin insûngkuua har nei an nanga; insûngkuua khomin Koiindang har a innang mai a ni.

Ei inhai hih Kristian insûngkuuahai a ni thei; khannisian, atûn ten hin a`rzala, hlim loiin a la om mai a ni. Khasikin, insûngkuua sa ual inding hrang le hrâtna nei theina hrangin Pathian lampuia ei ife ngêt hrang a ni.

Insîrsôpna :

1. Ni in hih Kristian insûng sa le hlimom insûng a ni mo ti nin hriat. A

ni mo, ni loi, Itho mo?

Chongchai thupui :

Ei insûngkuua ei sualna le inchâina, chuk nonahai Pathian kuang ngaidamna nghi ei ti. Khabana, hlimom Kristian insûngkuua inding theina hrangin Pathian satvurna nghi ei ti.

+++++

25th September, 2009 (Irtanni) :

Thupui : 25. Fel taka insûngkuua inding

(II Rng. 20:1-6; Gen. 6:1-17,22).

Chairman : _____

Thuhriltu : _____

Tûnlai hin Setanin insûngkuua tam tak hih insiatin a koiin-

5th September, 2009 (Irtûngni) :

Thupui : 5. Nam Inthang mizia

(I Pet. 2:4 -1 0).

Chairman : _____

Thuhriltu : _____

I Peter 2:4 - 10-a hin Koiindanga nam inthang mizia dik tak inthum inlang a ni.

1. **Nam hring (I Pet. 2:4)** : Kristian chu lung hring ang a nia. Koi-

indang khom a hring, Krista iphun a ni (v. 5). Kristian sakhua hih nam pumkhat a nia, Kristian mimal chitin irtha tianga in hoi a sin tika omhmun dik a ihmu hrang a ni.

2. **Ochai irthiang (v. 5)** : Kristian hi Ochai irthiang an ni. Ochai

zia le nina bîk lian tak inhni a om :

a) Ochai chu Pathian kuanga lût thei a nia, a sinhotum tak

mi danghai hih Pathian kuanga lût pui hi a ni. Ochai hih Latin chongin 'Pontifex' ti a ni; 'pontifex' omzia chu irkal dotu / leidâk dotu (bridge - builder) tihna a ni. Khasikin, Ochai chu mi danghai hih Pathian kuanga hruai theina hranga irkal dotu / leidâk siamtu a ni. Khaang khan, Kristian sintum chu mi danghai hih Inzôkpu Jisua Krista lam tiang hruai hrang a ni.

b) Ochai sintum chu Pathian kuanga thil inhlanna nei mai hi a ni.

Thuthung Lui hun laia chu ochaiin irbôlna sahai (animals) hih mipui ta hrang le mipui âiah Pathian an hlan ngai.

Dikna, Satna inpuang suak hi a ni. Pathian sinthotheina hriatpuitu-haiin mi danghai a inhriattir hrang a ni. Krista hriatpuitu (Kristian) chu mâni hringnun, sinthôna le chongbâia Krista nun a inlangtir hrang a ni.

Insîrsôpna :

1. Eini Kristian nuna hin Krista nunzia dik tak hih iamnotu-haiin an hmu thei mo?
2. Tûnlai hin, Koiindang le mimalin Ochai sinthôna hih itinmo ei inlangtir hrang?

Chongchai thupui :

Koiindang members murdi'n Irtha Irthiang an sip theina

24th September, 2009 (Nilai chum) :

Thupui :24. Tûnlai insûng sa ual inding

(Gen. 1:26-30; 2:20-25; I Kor. 7:10-15; Mat. 19:3-9).

Chairman : _____

Thuhriltu : _____

Insûng sa ual siam theiin mo? Atûna ni insûng dinghmuna hin ni hlim mo? Atûnlai hin insûng tam takhai chu Setanin an siata. Insûng khur hruaitu chu Setan kêng a hong chang ta. Khasikin, atûn hin insûng khur sa ual inding a nang ta.

1. Hlimom insûnga râlhai :

Insûnga irtha lam (sakhua) tianga irrualna le irpumkhatna a`rsamna tak hih hlimom insûng ta hrangin râllian tak a hong om ngai a ni. Kristian sakhua pên tianga tuinahai hih insûng khura tuina leh danglamna a oma, entirna`n- mipui, clubs, a dang dang. Khahai khom khah insûnga râlhai a ni thei. Insûnga hlimna om thei nonahai chu - sum puan hmang thei nona hai, sakhua lama inthurualna nei nona hai, Pathian biakna lama irpumkhatna nei nona le insûngkua maichâm nei irzôm nona sika a ni. Nî tina zu`nrui chu- an chuanna le fâk saloi inzûp le hmuam hai hin insûngkua hlimna an siat tak a ni.

2. Hlimom Kristian insûng inding hranga kaihruaina chopui :

Kristian insûngkuahai chu -

(a) Insûnga inthurualna nei : Hi omzia chu insûnga irngeina

le irthophlômna a ni. Irrualna omzia chu irchunghômna,

a ni. Ama chu a pasal le a insûngkua ta hrangin satvurna lian a ni (Thuv. 31:12). Pathian chi mi nupang chu nunhoi, nunchan sa, irngaiintômna le lungriil felin a irvo hrang a ni (I Pet. 3:4,5; I Tim. 2:9). Khannisianlân, kha khah atûn hin a isâm mai a ni. Kha nêkin, nupang tam takin irvo an uara, sil-kai man tam an irbelh ngaia, irvona thil (sumhrui, rângachak irthei, kuardoi) irbelh an uar intam tak, kha khah Bible irchutirna doi a ni.

Rengpa chitu nupang chu inpâkin om a ti (Thuv. 31:30).

3. **Pathian chi mi Nâipanghai** : Rengpaa khan nupahaiin an nâihai hih irchûna le sepna an pêk hrang a ni (Thuv. 22:6). Pathian Thu zôm hrang le ram dânhai zôm hrangin an nâihai irchu ngêt a nang (Deut. 32:46). Eli kha hrem a ni, a san chu a nâipahai pualoina khah a enkol thei no sika a ni.

Nâipanghai thotum tak chu an nu le pahai inza le mahrip hrang le nupa irchûnahai zôm hrang hi a ni (Exo. 20:12). Isaka hi Pathian chi mi nâipang a nia, a pa Abrahamu thu ôiin a pa irchutirna zui main a om ngai sikin, ama chu entonrua tak a ni (Gen. 22). Samuela khom khah thuôina lama entonrua tak a ni, zân lai taka khom nupa thu ôi mi a ni. An rênga laia hin, Jesua hi nupa thu ôi mi tak a nia, taksa le vârna lam tiang a hong irsôn tîr tîra, Pathian le mihriam inrenna le kanna a dong tîr tîr tâk a ni (Lk. 2:51-52).

Kristian in dik le satak chu sêngkua maichâm neina hi a nia, kha inah khan Krista hi rênglukhum khumtu lu tak a ni.

Insîrsôpna :

1. Hlimom ompui sangram irmîl insîrsôp ni ri se.
2. Mihriam pung intam zoro laia hin Gen. 1:28 thu hih itinmo ei ihmang

6th September, 2009 (Pathianni) :

Thupui : 6. Nam Inthang sinthônahai
(Isa. 43:12; Exo. 19:5, 6).

Chairman : _____

Thuhriltu : _____

Tholôm : Mobile Theological Fund

I Pet. 2:9-ah inlang chu Koiindang sinthônahai tângpui ei hmua. Peter-in Kristian a iti chu -

1. **Koi suak le inthang mipuihai (nam inthang) :**

- Zalênna / vâneina chang hranga inthang.
- Thu ôi hranga inthang.
- Sintho hranga inthang.

Hi inthumhai hih a fe irkop ngêt hrang a ni.

2. **Rengpa ochai :**

- Pathian makunga lût theina
- Mipuihai hih Pathian makunga hruai inlûtna
- Irtha tianga irbôlna inhlân ngêt hrang, Pathian tiang inhlanna hin mipui hrang le mâni hrangin.

3. **Nam irthiang :**

- Kristianhai chu Pathian nam irthiang.
- Pathian nuamlama irpêk le Ama sintho hrang.
- A nunzia le a sinthôna tina mi danghai leh danglamna nei ngêt hrang.

4. **Pathian ta bîk mipuihai :**

- Pathian ta, Pathian neinun an ni.

- Vân khua le tui mi nitna nei (a citizen of heaven)
- Pathian irhnêla hi rammual chungã thuneitu an ni.
- Nun thar neituhai an ni.

Insîrsôpna :

1. Kristianhai hih nam inthang an nia, itinmo sin an tho ngai?
2. Kristianhai hih Pathian ta bîk le Pathian neinum an ni bîkna chungchâng insîrsôp roi.

Chongchai thupui :

1. Koiindang tinin takirtâi taka sin an tho theina hrangin Pathian ata hrâtna zong hrang.
2. M.T.S sinthôna hrât zêlna hrangin.

23rd September, 2009 (Nilaini) :

Thupui :23. Kristian In

(Gen. 18:19; 1:28; Efe. 6:1-4).

Chairman : _____

Thuhriltu : _____

Kristian in chu insûngkua mihai raifân taka irpôlkhômna hmun, milung irngamna, sintho irchûna, irdâina, chongchai le ngaitua le tumna nei irrualna hmun a ni. Kristian in chu pôl khat angin dikna, iamomna le sin irsan hlômnhai hmang maina hmun a ni. Kristian insûnga chu Pathian chi mi pa, Pathian chi mi nu le Pathian chi mi nâipanghai omkhômna hmun a ni.

1. Pathian chi mi Pa : Pathianin pasal hi insûngkua lu tak ni hranga

a siaa (Gen. 18:19; Efe. 5:23). Kha khah Pathian thupêk a ni, insûngkua hi a le lamin a omin chu, Pathian thiltum insiat a nia, insûnga irthiangna khom an siatpai sa a ni. Insûngkuaa pa sintum le mophurna chu Krista'n Koiindang lung a it-hung angin a dôngma lung a ithung ngêt hrang a ni. Pa chu a dôngma chungã iamom takin om ri se, insûng sinthôna lama a dôngma chu irhloppuitu a nina angin a irhletpui hrang a ni. A nâihai khah irsepna le Rengpa irchutirna tiang kaihruaiin a donpuihai mai hrang a ni (Efe. 6 : 4).

Pathian chi mi pa -Abrahama'n Pathian Thu le irchutirna khah inchungtaka a hmang ngaia; Pathian chi mi Joba khom a insûngkua murdi ta hrangin irbôlna an hlan ngaia (Job. 14:26).

2. Pathian chi mi Nu : Kristian nupang sintum masatak chu Rengpa

lungthung hrang le Ama sintho hrang hi a ni (Lk. 14:26). Kha hnung, a sintum inhnina chu a pasal thu ôi le mahrip pêk hi a ni (Efe. 5:22). Pathian chi mi nupang, Sari'n a pasal Abrahama

Mi'n hi thupêk ngar tak inhriat chaka uksak loa, mi tam takin la uire maia an iom hih a poi tak tak a ni. Uirena hi tûnlai khotânga hin det takin irzung a thâk tâk a ni. Uirena sual saloi tak sika hin mi tam takin dâdu ser inthak (venereal diseases) natna an irveia; khanchu, natna ichiom tak a hong lûta, kha natna ichiom khah HIV le AIDS natna a ni. Pathian thu'n uirena le hurnahai hin hremhmun tiang a ni lûtpui ngai tiin a nin hril (Thuv. 7:27; 9:13-17; I Kor. 6:9-16).

3. Irmâkna / Irsenna (Divorce) : Irmâkna hi mihriam ta hrangin

Pathian tumna phut ni mah (Mat. 19:8). Irneina chu dam sûnga chongirkhit a ni (Mat. 19:6). "Mi tukhom uire sika ni loa a dôngma mâka, mi dang neitu chu a uire a ni," tiin Jisua'n a hril (Mat. 19:9).

Irmâkna / irsenna hi tûnlai khotânga hin pung thiai maiin a oma, Kristian laia ngêt khom hin a pung mai a ni. Koiindang hi uirena inboi hrangin ngaipoimo a nanga, irneina hrisêl a om theina hrang le irmâkna khâldanh theina hrangin Kristian irchutirna Koiindangin pêk a nang.

Khasikin, Krista chu insûngkua lu, Rengpa le sûngkuaa Saninhringtu hrangin siam ei ti.

Insîrsôpna :

1. Koiindangin nupa nun hlimom le hrilna insûngkua le sûngkua fel

inding hrangin i sin le programme mo a siam tak?

Chongchai thupui :

7th September, 2009 (Sinphutni) :

**Thupui : 7. Nam Inthang irpumkhatna le inthuru-
alna**

(*Tir. 17:22-31; Joh. 17:20-26; Rom. 12:5;
Gal. 3:26 - 29*).

Chairman : _____

Thuhriltu : _____

Kristian ngaidân tângpuiin nam hih inkhat dok a ni. Tirko Paula'n Atheni khuua mihai kuang, "Rammual pumpuia om hrangin, mi inkhat ata zât tin a siama. An ta hrangin hun bihai a khit pehaia, an omna hranghai a kang pehaia" (Tir. 17:26) a tia. Pathianin mihriam a siam phut laia khan, Ama ir-angpuiin a siama, Kristaah siamtharin ei oma - mihriam murdi hih nam le rônga irsen thei loa om an ni.

Tûnlai hin, mi tinin Pathian isiam 'Nam' hih inhre thei ta mahaia. Atûn chu mihriam pâl (group) tina irsen sâiin nam chi tam tak a hong oma - a vom, a ngoi, a sen, a sen induk, a eng rông an ni. Bible-in chi dang dang a ihril chu - nam pumkhat, namzia, sakhua le parual a ni. Hitaka a inlangtir chu mihriam nam danglamnahai hih mihriam irzirna lam ni loiin, nam nunzia lama a ni. Mihriam taksa lamzia hi poimo maka, mihriam namzia a ni ual. (Ethiopian hai khu an rông an ithûl thei hrang mani?) Nam danglamnahai hih chi le ze tam tak pungna le Pathian thilsiam satna a ni.

Martin Luther King Jr-in, "Irmang ki neia, ki nâi minlihai hin sîn khat chu ram pumkhata hin om an ta, an vun rông chungchânga ite irsêlna boiin lêng an ta, an hringnuna lungchuk takin om an ti," a ti.

1. Nam inkhat : Nam tam tak kêra hin, Pathian thiltum chu mihriam

irthiarthâkna hi doiin, irngei taka lêng hrangin a nir chu.

2. **Khopui inkhat** : Bible-a chu - Sansuakna le irngeina hih hmun

khata irzui an ni. Egypt ram rengata Israelhai saninzôka an om hnungin chu nam khatin an hong siam tâka. Jisua Krista thina thoinôkna sika khan, soal porinche lama inthek indarna lam rengata a ni sansuaka, Pathian tiang le mi tin leh irngeina a hong intung ta.

Kristian sabeina chu khopui inkhat, Jerusalem Thara dikna le irngeina a nia, kha hmuna khan inzôk nâihai le suakthar mihai, nupang pasal irngeiin, nam tin chi tin lêng suam an ti. Hi khopui tianga sabeina neituhaiin chu atûn hin dikna, felna le irngeina a ihmang hrang a ni.

Insîrsôpna :

1. Nam thua thiarthâkna nei le nam lunggrîl irput kêra hin, Koi-indangin irngeina sin itinmo a itho hrang?
2. ‘Irsensâina le thuneina’ hih inhong a ni - irthupa sorkâr policy mani, nam obbe namhai mani. Hi dinghmuna hin, Koiindang sinthôna i mani?

Chongchai thupui :

22nd September, 2009 (Sinnôkni) :

Thupui :22. Kristian irneina (Irzompui)
(Sam. 127:3-5; Efe. 5:21-23).

Chairman : _____

Thuhriltu : _____

Kristian irneina dik le fel tak chu irneina hlimom lungphûm a ni. Irneina hih dam sêng irhloppuina a nia, khataka khan irsônna le puihlingna a hong om thiai mai ngai. Khasikin, ruatharte le dôngmate innei inruk tâkhaiin chu irneina hlimomna nuna an lût theina hrangin inneina hi kuluk taka ngaituana neiin an inhriat infel a nang. Irneina nun hi thil olsam ni maka, irneina hloinchuktira siam hrangin chu ompui sangramhaiin inhriatthiam tonna, tuangdiarna, milung irnêmhai hi a nang.

1. **Irneina hlimom bulpui** : Irneina hlochuk chu ompui sangram

lungirthungna le lunggrîl taka irngeinaa irngat a ni (Efe. 5:25). Kha insûngkuuaa khan a pasal kha a lu tak a nia, a dôngma chu a pasal changpuitu a nia, sêngkuua maichâm indingin an iom hrang a ni. Irneina hi a deta; khasikin, irneina hi dam sêng sabeina a iom hrang a ni. Pathian nuamlama irnei chu nâihai satvurna a ni (Sam 127:3-5). Irneina chu inrûk irnei le rot le tâna irnei ni loiin, mipui vântâng inhriatpui le irneina irthianga irnei ngêt a nang.

Irneina chu ser irthiang, Pathian namindet a ni sikin, ompui sangram hi intakna le inhriatthiam nona chungka khom chongchai irruai mai hrang a ni. Ompui sangram chu chongbâi le sinthôna lama khom lungthung irhlôm taka an om mai hrang a ni.

2. **Uirena** : “Pathian Thu’n felfâi tak le ngar takin uirena an inei viat

irzukna lunginchukturna hranga a ni sa; kha khah a sa, irthiang le dâna phal a ni; khahai khah irneina vaih khan lungchukna a ni thei.

3. **Tu mo irneipui hrang** : Kristianhaiin chu Kristian ngêt kha nei ri se (II Kor. 6:14-17). Iamtu le iamnotuhai ruai taksa pumkhat ni hranga irneina irthianga siam hih Pathian mit hmua chu irfûk loi tak a ni. Khasikin, irneina nuamom le lôminruk tak chu iamtu le iamtu kâra irneina hih a ni.

Khannisianlân, khotâng mipui chi tam tak laia le sakhua chi dang dang laia lêng ei nia, itik tika mani chu Kristian le Kristian ni no irnei polna hi lôl thei mak meh. Khaang dinghmuna khan, Kristianin chu a dôngma mo, a pasal mo saninzôkna lam a inhriat hrang a ni (I Kor. 7:10-16). Irneina lama chu Kristian ruatharte mani, dôngmate mani nunzia irang, theithiamna irang, tumna irang, sakhua irang sũaga mi irnei hranga inthang hi a sa ual tak a ni. Kristian insôngkua satak inding hrangin chu Kristian insôngkua sa le fel laia suakinthar mi leh irnei hih a satak le lômpuikom tak a ni.

4. **Itika mo irnei hrang** : Mi tam takin chu irneina kum ruk mân hin dôngma pasal an lei lâk ngaia, kha khah puihling loi a ni sikin, irnei dân ikhap a ni. Irnei in mân hrai hi intakna tam tak a om ngai. Mi tam tak chu an in môngna sika irnei an ni. Raifân Kristian sôngkua inding hrangin chu irneina hih Pathian nuamna zong le chongchai intamna nei a nang. Irneina hi nupahai inhampui ngêt a nang sa. Irneina hi sum puan ei inei dinghmun leh irhme ngêt a nang. Irneina hih a rneituhai ruai irnuamin irneina chongkhit (marriage vow) indeta omin dik le thutaka nei hrang a ni.

Insîrsôpna :

1. Kristian irneina lama hin Koiindangin mipuihai hih itin lamin mo a rchuhai ngai?
2. Hi khotâng dinghmun irthûl bet but kâra hin Kristian irneina

8th September, 2009 (Sinnôkni) :

Thupui : 8. Nam Inthang mi chu sabeina Hring a nei.

(I Pet. 1:1-12; Heb. 9:13-14; Tita 3:9).

Chairman : _____

Thuhriltu : _____

Peter-in letter a ithon chu Pathian inthang (God's elect) tiin ar ziaka, kha khah Roman ram hual sũaga Kristian omkhômhai an ni. Roman mihaiin Kristian deng an intheitir hrai tâk sikin, mân omna in mâksanin, hmun dang danga an inthekindar zita. Kha Kristianhai khah Judahai le Gentile-hai an ni. Kristianhai chu -

1. Pathian lei inhriat saihrang dungzuia inthang :

Petera'n letter a ithonna chu Kristianhai hih Pontos rama Kristianhai, Galatia rama Kristian, Bithynia rama Kristian, Capadokia le Asia rama Kristianhai an ni. Anni hih Pathian lei inhriat saihrang dungzuia inthang - Krista iamtuhai an ni. Suakinthar Kristianhai hih rammual siam mân daih ata Pathian lei inhriata inkung tâkhai a ni (Rom 8:29 - 30; Efe. 1:4 - 5). Jisua Krista mit hmua irthiang le demna boia om hrang a ni (Efe. 1:4). Irthiang hrang ti hih Pathian thu ôi hrang tihna a ni; irthiang le thu ôinahai ruai hi a fe irkop mai a ni.

2. Irtha sinthôna zâra irthiang infâia inthang :

Pathianin a nin thanga, Ama Irtha Irthiangin a nir thiangtira. Irtha Irthiang ni changpuina le ompuina zâr ringotin Pathian mit hmua irthiang ei ni.

Irthiang hrangin chu, ei sualhai sôpfâi masa ngêt a nang. Jisua Krista irbôngna (tuangna le thina) zârin irthiang ei ni (Mk. 14:24). Krista thisen suaka inthek indarh zâra ei sualhai sôpfâiin ei hong irthiang tâka, ngaidamna ei hong

3. **Sabeina hring hranga inthang :**

Pathianin A Nâipa Jisua Kristaa khan suaktharna le sabeina hring a ni pêk (Joh. 3:3,5; Rom 8:24). Sabeina hring nei hrangin Pathianin a nin thang. Jisua Krista thina le thoinôkna zâra sabeina hring ei hmu. Jisua a thia khan a hnungzuihaiin an sabeina khah a boia. Khannisian, Krista thoinôknaa khan an sabeina chu a hong hring nôk ta a ni.

Jisua, thina ata thoinôkna sika khan, Kristian murdi hih thina ata ei ithoi nôk hrang a ni. Anni chu thina inhnê an ta, Rengpa irchon dong an ta, siat thei loi taituan hringna dong an ti (Rom 8:16, 17; Gal. 4:4 - 7). Ama inthanghai vaih irchon pêk ni an ti (Rom 8:16, 17; Gal. 4:4 - 7). Hi sabeina hring hih Krista zuang nôk tika chu Pathianin a inthang mipuihai chu koi bûm a ti (Mk. 13:27).

Insîrsôpna :

1. Pathian Nam Inthang ei nina hih imo inpuang ngamna dik tak ei nei?

Chongchai thupui :

1. Ei Koiindanga nâipang murdihaiin iamna le a tak rama sinthôna an irsôn theina hrangin.

C. KRISTIAN INSÛNGKUA LE IN (21st - 30th)

:

Insûngkua chu hi irnêng chung a Pathian isiam inhring bul tak le poimo tak a ni. Kha insûngkua ata Koiindang le khotâng kha siam a hong ni ngai. Insûngkua le sûngkua rengata kêng mihriamhai hih khua le tui mi nitnahai, hruaituhai, Pastor-hai le missionary-hai an hong isuak ngai a ni.

Kristian in chu thil tinrêng irchûna hmunpui a nia, kha hmuna khan nupahai hih Kristian lungthungna'n a suikhômhaia. Kha hmunpuia khan nâipanghai koikhômhaia, Pathian Thu irchutirin, irtha lam tiang kaihruaiin, sûngkuaa chu Krista hi a lu tak a ichang mai hrang a ni. Atûnlaia irchûna hmunpui laia hin Irtha lam tianga irchûna hmun omsun chu inhni vaih a om - in le Koiindang a ni.

Kristian in hih Koiindang, khotâng le ram irnghatna tak a ni. Kristian in hi mihriam changkângna michi a ni. Hi in hih mihriamhai raifâna irsôn zêlna hranga Pathian iphun a ni. Insûngkua malam a pan zêl angin Koiindang le ram khom malam a pan mai ngai.

Kristian insûngkua le in hih a hnuaia thupui sôm khat siamin irchu ei ti.

21st September, 2009 (Sinphutni) :

Thupui :21. Kristian irneina

(Gen. 1:27-28; 2:18-25; II Kor. 6:14-17).

Chairman : _____

Thuhriltu : _____

1. **Irneina** : Irneina hi chi inhring hranga Pathian namindeta inding a

ni; khabana, insûnga nâipanghai ta hrangin lômna le raifâna a lêng theina hranga Pathian iphun a ni. Hi hih mihriam irchûna hmunpui milui tak a nia, Koiindang le Sorkâr nêk khoma upa tak a lei ni. Irneina chu mihriam irchi le nam hong irnghatna bulpui tak a ni.

nina le ei hrâtnahai a`rhniamtira, sakhua dang tiang a ni kaihruai thei a ni.

Koiindang irpumkhatna dik tak chu Krista roiinpuina ra suak khah a irngat a ni. Khan, Koiindang mission chu Jisua Krista leh irpôlpui hranga mi danghai hruai lût hrang a itum mai hrang a ni. Andrew Kirk-in hiang hin a`rziak, "Koiindang zia chu missionary zia a nia, missionary sin hi a mâkin chu, a isin vaih a puihling loi ni maka, Koiindang a nina hi a boi a ni". Khasikin, Pathian thupêk chu rammuala hin Thurchi Sa hih mimal tin kuang intungin, Kristiana siamin Koiindang inlêngtir hrang a ni.

3. Tualsûng Koiindang Pastor hi Mission châbi a ni :

Pastor le tualsûnga hruaituhai hih Koiindang mission lama fel taka ngaituana, siam irfûk le thupêkna nein, inliantir hrangin tumna le sinthôna lian tak an inei mai a ni. Mission hi Koiindang Programme izêk nêka mâni sintum angin a hong omin chu Pastor-in Koiindang sintum lian thupêk (Mat. 28:19-20) hih inhretir hrangin a itum ngêt hrang a ni.

Koiindang thiltum lianhai chu :-

- I. Rammuala Thurchi Sa hril.
- II. Krista angna nei hranga siam danglamna.
- III. Mission tianga koina le Mission sintum mophurnahai irkip le zoi ngêt hrang.

Insîrsôpna :

1. Ei Koiindangin mission thotumhai i dôr ten mo a tho ta? Nin Koiindangin a Mission sinthôna lama inhrâtir / kaihruaina hranga fûina sa pêk thu insîrsôp roh.

Chongchai thupui :

9th September, 2009 (Nilaini) :

Thupui : 9. Nam Inthang chu Pathian suakhai an ni.
(I Pet. 2:11-17; I Kor. 7:22 - 23).

Chairman : _____

Thuhriltu : _____

Pathianin Nam Inthang le A insûngkuuaa member ei ni sikin, sual irzukna tinrêng ei mâksan hrang a ni (I Pet. 1:140). Suak irzukna'n ei irtha a doi ngai (Rom 7:21, 23). Eini hih rammual mi ni mak mea; mikhual khual inzin ang mai ei ni. Khasikin, rammual sual irzukna tiang in-ôkin om no roh.

Kha nêkin, Kristian chu hi rammuala hin Pathian nâi irthi-ang angin lênghai sian; khanchu, mi danghaiin ei sintho satna sika Pathian chôindôm thei an ti (Mat. 5:16).

1. **Kristianhai chu mihriam thuneina khom an izui hrang a ni :**

Mihriam laia dân le thuneina tinrêng hih Pathian iphun a ni. Roirêltu hi sa no tak khom ni sian, a thuneina chu Pathian ipêk a ni. Khasikin, thuneina murdi hih Pathian rengata suak zit a ni (Joh. 19:10 - 11; Rom 13:1).

Pathianin mi pualoihai hrem hrang le mi felhai lôman pêk hrangin roirêltuhai hih thuneina a pêka. Khasikin, Rengpa irhming sika roirêltuhai makunga ei irpêk lût hrang a ni. Kha khah Pathian thuneina tianga ei irpêk lûtna le mi danghai kuanga ei sakho nun ei irhmûna a ni. Khannisian, hnuai ram thuneina hin Pathian Thu doi lam zonga ei irphût a ni'n chu, zôm loi hrang; Pathian Thu ei izôm ual hrang a ni (Tir. 4:18 - 20; Rom 13:1 - 5).

2. **Kristianhai hih Pathian suakhai sinthotu ei ni :**

ni (Joh. 8:31 - 32, 34-36; Rom 8:1-2; Gal. 5:1). Khannisianlân, Kristianhai chu Pathian ata zalênna om mah; Pathian suakhai an ni (I Kor. 7:22-23). Kristianhai chu soal ata zalên an nia; khannisian, sin tho hrangin chu zalên ni mah. Khasikin, an zalênna khah soal thupna'n hmang loi hrang a ni (I Pet. 2:16). Soal ringkola intâng nôk ta loi hrangin hril a ni (Gal. 5:1, 13).

Kristianhai chu roirêltuhai thuneinaa irpe lût hrang a ni; roirêltuhai suak an ni sika ni maka, Pathian suak an ni sika a ni. Nakhrâtsonga irpe lûtna ni loin, lungthungna sika a ni (I Kor. 9:19).

Insîrsôpna :

1. 'Suak' nina hih Kristian sintum hlu tak a ni. Insîrsôp roh.

Chongchai thupui :

1. Nî tina sinthotuhai hrangin.

20th September, 2009 (Pathianni) :

Thupui : 20. Tualsûng (local) Koiindang le Mission
(Mk. 10:35-45; Mat. 28:19-20)

Chairman : _____

Thuhriltu : _____

Tholôm :- Pastors' Medical Fund

Tualsûng Koiindang le mission hi thupui lianhai laia inkhatna a nia, Thurchi Sa hrilna le mission satna le changkângna lama irchu intam le insîrsôpna nei intam a nang.

Hi a hnuaia thupuihai hih ei irchu hrang a ni.

1. Koiindang hi i mani? :

Koiindang chu Krista takpum a ni, Ama a lu tak a nia; hi ram-muala saninzôkna thu inpuang hrangin Thu khah taksa neiin a izuang a ni. Koiindang ata hmangin Hringna Krista chu ei irtokpui ngai a ni. Krista ompuina hih Koiindangin nî tin a takin a inhriat le irtem mai a ni. Koiindang hi Irtha Irthiang inlârna hmun a ni. Atûnlai hin thoinôk Krista chu Irtha Irthianga mihriam changin ei laia a oma. Tûnlai hin sinthotheina irkhêl le irsinsianahai hin Irtha Irthiang zuang inlârna le inlangna chu hi rammualin thu`nhretu nina a inhriat a ni.

2. Koiindang Mission :

Mission hi Koiindang inkoltir a nia, kha Koiindang khah Krista takpum nam chi tam tak omkhômna hmun a ni. Koiindang irpumkhatna hih Pathian thu suina lam tianga dikna inthûk tak ni ual mah (Joh. 17). Koiindangin inhnêna hrangin thotum tam tak an nang. Sûn tina ei hringnuna hin intakna ei nei ngaia. Sûng tianga ei irdoipui hih ei zoi no'n chu rammualin ei thu hril hih pom no nihaia, einia Pathian roipuina khom hmu thei no nihai. Inhriatthiamnahai khom a danglam viat theia, theibîkna le hnarsana hai, thuneina irzukna le lelam tianga ngaituanahai

Khasikin, Koiindang hih Thurchi Sa hrilna a nia, mâni ngeia Thuhretu nina mani, Thuhriin mani a hril suak hrang a ni. Atûn hin Koiindangin Thuhriin lama tuangna le irzukna a nei mo? Koiindang tinin hianga Thu hrilna nei hrangin Pathianin a ni sabei mai a ni.

3. **Khotâng innanghai hriatpuitu nina :**

Koiindang masahai khan inrianghai, damnohai, meithâihai le farahai an donsui ngaia. Khotânga obbêna, hnuaisiana le sano tam tak Kristianhaiin an inhriata. Kristianhai laia ngei khom dengthei tuangtu an oma; khannisian, khotâng dikna le satna a om theina hrangin a bul an zongsuak ngai.

Ram le namin khotâng nun le sêngkua nun changkângna a om laiin Koiindangin Irtha changkângna mission an nanga. Pathian lungkhamna sintho ata irtha irlet danglamna (sia-mtharna) le khotâng innangna takhai hih danglam thei loa ir-anga fe mai thei a ni.

Khasikin, Pathian Ram Thurchi Sa hih rammual murdia a tung ngêt hrang a ni. Khannisian, Koiindang tina Kristian tinin mani ngeia irpêkna boiin chu hi Mission sin hih zoi thei ni no nih.

Insîrsôpna :

1. Khotâng innanghai changpui le inhrepui hrangin itin lamin mo thu`nhretu ei nina hih ei ihmang hrang?

Chongchai thupui :

Tûnlai dinghmuna Thurchi Sa hrilna lama tho dân le ngaitua

10th September, 2009 (Nilaiçum) :

Thupui : 10. Nam Inthang roiinpuina.

(Hos. 1:6-10; 2:1,23; Joh. 14:9; I Pet. 2:10).

Chairman : _____

Thuhritu : _____

Section masa tak thupui, “Nangni chu Nam Inthang nin ni,” a hekna taka thupui irchu hrang chu - ‘Nam Inthang roiinpuina’ a ni. Nam Inthanghai hih voikhat Pathian mi le lungkhamna an lei idong tâk ni maka; khannisian, atûn hin anni hih Pathian mihai le lungkhamna an idong a ni. An hringnuna danglamna lian a hong oma, chôirsângin an hong iom zelh a ni. Khasikin, nam inthang roiinpuina thu hi thupui poimo lian inthumin irchu ei ti.

1. **Ama roiinpuina vâra lût hranga ram inthim tak ata koi suak:**

Pathianin Kristianhai chu vâra lût hrangin inthim ata koi suak ei ni. Mi`n Jisua Krista a hong inhriatin chu Pathian khom a hong inhriat tâk a ni. Ite a dang zong suak le ngaitua nang ta mah. A san chu Jisua Krista`n, “Keima ni hmu chu Pa hmu a ni . . .” (Joh. 14:9) a tia. Jisua Kristaah hin Pathian inhriatna vâra a om. Mi`n Jisua Krista a hong inhriatin chu; satna, lampui, thutak le hringna a hong inhriat ta. Khasikin, Jisua Kristaa hin hmu theina le sinthotheina a om.

2. **Omzia nei loi ata omzia nei taka koina :**

Pathianin a mi ni loihai hih Pathian mi/ nâiin a ni siama. Hi omzia chu Kristian / nam inthanghai hi hmang hmunboi ata koi suakin hmang hmunom / omzia neiin a ni siama. Kristian

3. Lungkhamna om nona hmun rengata Lungkhamna rama koisuak :

Nam Inthanghai (Kristianhai) hi lungkhamna boina ram rengata lungkhamna rama koisuak an ni. Iamnotu sakhua nitna lian tak chu Pathian chi a ni. Kristian chu Pathian lungthungna hmusuak tâk a nia, hoi taka Pathian kuanga om tâk a ni sikin, ite chitna hrang zelh om ta mah.

Insîrsôpna :

1. Bible-ah hin Nam Inthang roiinpuina thu hih i dôr mo a chuang intam ni hmu?
2. Nam Inthang (Kristian) ei nina hi itinmo ei irngaitua?

Chongchai thupui :

Pathian roiinpuina le sinthotheina ei hmua ei hringnun le ei sinthôna Pathian kuang ei irpêk lût theina hrangin.

+++++

19th September, 2009 (Irtûngni) :

Thupui : 19. Hriatpuitu/Thu`nhretu nitna tho dânhai

(Rom. 10:17; I Kor. 15:14; Tir. 16:13-15; 16:16-18)

Chairman : _____

Thuhritu : _____

Thurchi Sa puang indarna tho dân lampui chu hriatpuitu nina / thuhretu nina zâra a ni. Jisua hnungzuituhai (disciples) haiin hriatpuitu nina chi tam tak an hmang.

1. Thuhrilna (Preaching) :

Kum zabi masa tak Koiindanga khan tirkohaiin hriatpuitu nina tho dân sataka an lei ihmang ngai chu Bible sũa tho dân ata lâksuak a ni. Thuhrilna hi Thurchi Sa puang indarna lam enton (model) lian tak a ni. Mipui an irbukkhôm paiin chu Pathian Thu hril hrangin zoro sa an zong mai ngai. Koiindang Biak in (Church buildings) la nei mahaia, Temple area le Sunagok-haia kêng inkhômna an nei ngai.

Irhlethlômna tho dân khom tam takin a danglama, huaisen taka Thurchi Sa puang indarna kha a ka - kâra chongkhômna khomin hmang a ni ngai.

2. Mâni ngeia Thurchi Sa hrilna :

Mâni ngeia Thurchi Sa hrilna hih tianlaia Koiindang hruaituhai, a bîkin (apostle)-haiin entonna satak an siama; entîrna'n - Peter le Johan-hai ruaiin temple kotsuaa (gate) kholra an pana, an indam (Tir. 3:1-16), Samari khuaa Simona kuang (Tir. 8:9-24), Filipa'n mâni ngeia Thuhretu a nina khah Gaza khua fena lama Ethiopia kho mi mitilre takpuma an lang (Tir. 8:26-40). Tirko Paula'n chu Thuhretu a nina khah Filipi khuaa jail inah omhai le a insûng mihai chung a langtir (Tir. 16:19-40).

Nupahaiin an nâipa le nâinuhai Rengpa sintho hranga inhlanna nei le tumna nei nupa i dôr mo an om ta! Ei mâni chita ir-eninfel ei ti. Pathianin a nâi neisun khah eini soal ata nin zôk hrang le taituan hringna nei hrangin a ni pêka. Nang le keiin nâi tam tak ei neia, inkhat lua ei pêk mo? Khante, eini hi i'n mo a ni khap?

3. **Bu ât hrang a tam :**

Koina ei dongna san chu bu ât hrang a tam sika a ni; khandisianlân, sinthotu an tôm. Nî tin mipui sâng tam tak Jisua Krista nei loiin an thi (Mat. 9:37).

Koiindang thurchi bu-a hin missionary-hai thuhrihtu-hai tam tak an lei om ok tâk thu hih la chuang viat mah. Bu ât hrang hi a tam maia, sinthotuhai an tôm mai. Hmun tina Pathian sinthôna field-a hin hmun rong a om mai.

Atûn hin ruathar tam takin B.A mani, M.A mani an passed hnungin sorkâr tiang sinthôna an zonga, zoro tam tak an hman ngai. Khannisian, Mission teacher, thuhrihtu Bible irhletna Society le Mission sin dang tiang zong viat ngai mahai.

Insîrsôpna :

1. Nin Koiindang sûnga hin i dôr mo nupahai hih Pathian koina irhâi inhriata an nâihai Pathian sinthôna tianga inhlan tâk an om?
2. Hi inhni sûnga hin khô hi mo Pathian inuam :
 - (a) Pathian sintho hranga ei nâipa / nâinuhai fûina pêk.
 - (b) Ei nâihai an mânia tumna nei hranga hun pêk / insua.

Chongchai thupui :

B. KOIINDANG MISSION (SEPT. 11-20) :

_____Kristianhai inham chu rammual ta hrangin Koiindangin Mission a nei, kha mission khah Pathian lungthungna ata inlangsuakin mipui ta hrang le ram pumpui ta hrang piala a ni. Aniachu, Mission nina zia dik chiah suisuak tena chu, Kristian irtihai laia hin ngaidân danglam le irang nona a hong suak ngai.

Koiindang Mission ei suisuaka hin sub-thupui 10 (sôm khat) siamin irchu ei ti.

11th September, 2009 (Irtanni) :

Thupui : 11. "Mission" hi i ma ni? (What is Mission)

(I Sam. 15:18, 20; Lk. 4:8 - 10).

Chairman : _____

Thuhrihtu : _____

English chonga "Mission" ti chongbâi hong suakna bul chu Latin chong, "mitto" ata lâksuak a ni, a omzia chu, "thon, inthuan, tîr, tîrsuak," (to send) tihna a ni. Tianlai ata mission thiltum dân hih tam takin lei suisuak a ni tâka. Khannisian, kum 1955-ah World Council of Churches, Ghana Conference-a kha Mission sinthôna omzia dik tak chu inhriat suakin inlangtir a ni. "Missio Dei" ti a nia, a omzia chu - Pathian Mission (The Mission of God) ti hih a hong inlâr tâk a ni. Mânia ei inhriat hrang masa tak chu Mission hih Pathian ta a ni, ti hih Pathian Mission a ni. Khasikin, hi ram-muala hin Pathian mission chu sin mai hrang le siaminsa hrangin Pathianin Koiindang hih sintum pêk a ni.

Mission thupêk chu inhnia irhlop a ni.

1. Thurchi Sa hril :

A masa taka Mission chu beipui / norna lama lût a ni, "tîr" le

20) le Nazareth zia puangsuakna (Nazareth manifesto) (Lk. 4:18-19)-ah hmu thei a ni. Ei Pathian chu Missionary Pathian a nia, A Koiindang chu Mission Koiindang a ini ngêt hrang a ni. Khasikin, Pathian chu Mission sinthôna hi A Koiindang a ipêk hlet a ni.

2. Jisua hnungzuitu-a siam :

Mission thiltum lian tak chu ram tina Jisua hnungzuitua siam hi a ni. Jisua'n A hnungzuihai a koisuak laia khan, A thiltum tak chu Ama zui hrang vaih ni maka, Ama ang zeka om hrangin a ikoisuakhai a ni. Jisua'n a koina san chu hlop hni a ni.

- i) Ama kuanga om mai hrangin
- ii) Thurchi Sa hril hranga târsuak le hnungzuitua siam (Mk. 3:19)

Khasikin, Koiindanga Mission chu hi rammuala Thurchi Sa hril vaih ni maka, Jisua hnungzuitua siam a ni. Hnungzuitu hih Koiindanga baptisma changin thunlût hrang ringot ni mah. Iamtuhai hi Krista nunzia ang taka hnungzuitu ei siam no'n chu ei mission thiltum hih hlochuk no ni.

Insîrsôpna :

1. Koiindang mission chu Thurchi Sa hril le nî tin Jisua hnungzuitua siam a ni laia, sen tam tak Koiindanghai chu Thurchi hril le hnungzuitua siam ngaitua viat loihai dinghmun hih itinmo a ini hrang?

18th September, 2009 (Irtanni) :

Thupui : 18. Nupahai (Parents) koina

(Joh. 3:16; Rom. 8:32; Sam 127:3-5)

Chairman : _____

Thuhriltu : _____

Pu R. Stanley hai sangramin nâinu inkhat vaih an neia. Thuhrilna lama tuangna an lei tongnahai lâkin an nâinu irhming chu 'Evangeline' an phuaa. An thei ang dôrin irchûna (Education) tiang an irchutira. An nâinu hih missionary-ah siam hrangin an sangramin Rengpa kuang satakin chongchaina an nei ngaia. An nâinu khom a sate'n inthorna an pêka. A mongna taka chu missionary tiang hun pêk hleta sintho hrangin a hringnun a`rhlan rip tâka. Khanchu, kha nupa sangramhai khah a sân an râi a fâna, a san chu an nâinu neisun missionary hranga irngaihôm taka an chongchaina kha Rengpa'n a sâm ta sikin.

Nupahaiin an nâihai hih missionary hranga siam hrangin Rengpa kuang chongchaina nei an om tâk mo?

1. Abrahama le Sari koina :

Abrahama le Sari hin nâipa inkhat vaih an neia. An nâipa irhming chu 'Isaka' an phuaa, a omzia chu 'innui' tihna a ni. An inhlu tak chu an nâi neisun "Isaka" a nia; khannisian, Pathianin maichâma hâlrivôma inhlan hrangin an phûthaia. Abrahama'n a nâi Isaka nêkin Pathian lung a thung ual sikin a nâipa chu inhnar loi takin maichâma inhlanna nei hrangin a fepui ta.

2. Pathian ta hranga nâilutîr inhlan :

Pathianin Mosia kuang, "Israelhai laia nâilutîr pasal murdi, sulh sêng ata suak murdi mihriam mo, sa chal mo, ki kuang inhlan hrang a ni. Ki ta an ni sikin" (Exo. 13:2). Hi rammuala Kristian nupahai ringotin an nâilutîrhai Rengpa kuang inhlanhai zit inlân, matona khan hi rammuala hin Thurchi Sa chu

Mihriam tam tak tep zoi loi an thi tâka, taituanin Krista boin an oma, irtha hringna dong loa om tâkhai ngaitua ro! Mi`rchongpa hremhmuna khêk angin an oma (Lk. 16:27,28).

4. **Hi rammual ata koina chu chung tiang ata a ni :**

A mongna taka chu chung tiang ata koina a ni. Pathian Irtha khan nang an hnîngtira, nang a`rchua, nang a hruai ta. Ama`n ni sùng tiang ata nang a nora, Bible thu hmangin nang a koina chu ni inham tâk a ni.

Pathian ni koina hi irngai ei ti! A ni ihrilna hi zôm ngei ei ti.

Insîrsôpna :

1. Vânglaihai hin missionary koina hi ithomo an iuksak loi?

Chongchai thupui :

Missionary hranga Pathian koina sâm theina hrang le tumna nei theina hrangin vânglaihai ta hrangin chongchaina.

12th September, 2009 (Irtûngni) :

Thupui : 12. Ke enhoi.

(Isa. 52:7; Rom. 10:14, 15).

Chairman : _____

Thuhriltu : _____

Rengpa Pathianin deipu Isaia 52:7-ah thu lâkin a nin hril chu, “Mi danghai kuanga Thurchi Sa intungtirtuhai ke chu en a hoi vang na!” tiin a hrila. Nupang le pasalhain Krista Thurchi Sa chôin, mi dang kuang an intungin chu irngeina, raifâna, saninhringna le Pathian ata lungirngamna hmu thei an ti. Khaanga Thurchi Sa intungtirtuhai ke khah en a ihoi a ni.

Kha thuhai kha enin, ei mâni ke chit ngaitua ei ti. Hi Thurchi Sa lama hin ni ke nin pêttir ta ngai mo? Mi danghai kuanga Thurchi Sa chôin ni ke en mo a hoi ta?

1. **Irngeina Thurchi Sa chôitu ke enhoi :**

Thurchi Sa hril, Thurchi Sa chô, Thurchi Sa sem darh ti omzia chu Jisua Krista Thurchi Sa inpuang indarh tihna a ni. Hitaka ei hmu chu - Thurchi Sa ra hi irngeina a ni. Kha thu khah tûnlai rammuala ei ngaituana lian tak a ni. Hi rammuala hin khô hmuna mo irngeina ei hmu? Ei izong mai chu sùng tianga irngeina, sum puan tianga irngeina, lungrîla irngeina, rammuala mi tin leh irngeina; khannisian, khôn mo irngeina ei ihmu hrang tâk!

Jisua Krista hih Irngeina Reng a ni. Mi dang kuanga hriltuhai hih ke enhoihai an ni. Mi tam takin irngeina an zonga. Bible ihril chu Reng Jisua hih Irngeina hnâr a ni (II Thes. 3:16). Krista zâra Pathian leh irngeina ni hmu`n chu mi tin leh irngeina ni hong isiam thei ta hrang a ni.

ngûihai ta hrangin raifâna zuang intungtira; khasikin, eini nun beiindonghai ta hrangin, eini sual sikin pop liamin a hong oma. Jisua Krista chu Kros-ah sin tinrêng inhne zoiin, ei ta hrangin lômna a hong intung tâk a ni.

Jisua'n saninhringna thurchi a zuang intung hih rammual innang a ni. Rammual ta hranga Saninhringna thurchi hriltu ni hrangin vâneina ei neia. Thilsiam tinrêng laia le ram tina hi saninhringna thu hrilna lama ei kehai enhoi a ni theina hrangin Pathian kuang chongchaina ei nei ngêt hrang a ni.

3. **Raifâna le lungirngamna Thurchi Sa chôitu ke enhoi :**

Ei Rengpa Jisua thupêk chu rammual pumpuia fea Pathian Roirêlna hih ram murdi laia hril darh hih a ni. Ei Rengpa hih irnêng le irvân Roirêltu a ni. Hi rammual dengthei le buaina kêra khom hin hlim le lungirngamin ei om hrang a ni. A san chu ei Pathian chu roirêltu a ni sikin. Vatehai le einihai ni enkoltu a ni.

Ke enhoi ei nei theina hrangin Jisua ke tôn a nang bak a ni.

Insîrsôpna :

1. Irngeina, Saninhringna le hlimna Gospel chôi hrangin Koiindang member-hai, itin lamin mo ei kehai ei hmang ta hrang?

Chongchai thupui :

17th September, 2009 (Nilaichum) :

Thupui : 17. Missionary koina

(Isa. 6:8; Mat. 9:37-38)

Chairman : _____

Thuhriltu : _____

Pathianin Nâipa inkhat vaih a neia, A Nâi neisun khah hi rammuala missionary - martar hrangin a zuang tîra. Nu le pa lungthung takhai, Pathian sintho hrangin nin nâihai laia ithomo inkhat lua nin itîr loi? Tianlaia Thuthung Lui zoro le Koiindang masa laia Pathian sintho angin atûn hin Pathianin a ni koi mai.

David Livingstone kha ramthar zongtu a nia, missionary hrangin a fe suaka. C.T. Studd khah Cricket irdâi thiam le inlâr tak a lei nia, missionary sinthôna tiang lûtin sin a thoa. William Carey kha kekok (zota) siamtu a nia, inhnunga chu Missionary le Bible translator a hong ni ta.

Dr. Christian Weiss'n missionary koina hih hlop minli'n a hril :

1. **Nangma pum sînga ngei tho suak hranga hi rammual ata koina :**

Koina inkhatna chu nangma pum sîng ngei ata koina a ni. Hi koina omzia chu atûna ei sinthôna hin lungchuk nona a hong irsôna, Rengpa sinthôna lam tiang irzukna a hong irsôn ual ngai.

2. **Ni kôlvêla sintho hrang a tam sika hi rammual ata koina :**

Inhnina koina chu hi rammuala hin ni kôlvêla sintho hrang om intam sika koina a ni. Mihriam sâng tam tak chu Gospel dong loi an oma. Bu ât hrang tam tak a oma, bu ât hrangtu

Krista chu Mikot a ni, belra dang tam takhai Ama mikot hualsûnga la lût loihai a uksaka. Iamnotu murdihai hih mission field irhongna a nia, iamtu murdihai chu takirtâi missionary an ini ngêt hrang a ni.

Mikothai a`rhong ei iti hih intakna le hnôlna om mah tihna ni maka. Senkhat mikothai chu mikot khâr tâk angin inlang a ti. Mikothai irkhâr nôk tâk khah tâla leh irkhâr tihna ual ni mah. Jisua'n, "Intôk unglân irhong pe ni nin ti," (Mat. 7:7) tiin a hril. A kâr chângna chu mikot inkhâr intôk irhong khom a nang.

Insîrsôpna :

Dimasa nam lai hin mikot a`rhong mo, a`rkhâr mo? A`rhongin teh, itinmo Thurchi Sa hrilna lama mikot ei inhong thei hrang?

Chongchai thupui :

Dimasa nam le Bengali nam laia mission sinthôna a hrât theina hrangin.

13th September, 2009 (Pathianni) :

Thupui : 13. Khôn mo fe hrang Thurchi Sa hril
(Mk. 5:19-20; Lk. 14:21, 23; Mk. 16:15).

Chairman : _____

Thuhriltu : _____

Tholôm :- Synod Mission Fund

"Fe" ti thumal omzia ei hrilfiah thei no'n chu 'Gospel' thumal omzia hrilfiah thei no ma ni! Thurchi Sa hrila fe hrang ti hih thupêk poimo bîk minli a oma, Thurchi Sa inpuangna lama an sika inkhat khat area an nei chit.

1. Insûngkua le insûngkua irpan hlôma Thurchi Sa hril darh :

Jisua'n, "Ni in mihai kuang fe'n lân, Rengpa'n ni chungna sin nang a itho pezia le lung nang a inkhamzia khah va hril ro," a tia (Mk. 5:9).

Ei rêngin rual ei nei chita, ei rual le tualbômhai hih iamnotuhai khom an om. Insûngkua tina hin damloi, sum puan intak, beiindong tuang, sabeidong le intak tuang insûngkua tam tak an oma. Jisua Krista Thurchi Sa hril pehai hih an innang tak a ni.

Jisua'n insûngkua tin a panhai (Mk. 5:22; Lk. 19:9; Joh. 2:1). Eini khom - Bible, Video Cassettes, Bible tracts chôiin in tam tak en pan thei.

Thurchi Sa inpuang darna hualsûng (circle) a lût sahai chu - Hospitals, Jail in, fara in / enkolna, mi chukloihai enkolna in, hostel etc.

2. Kholaidunghaia le inkongkârhaia (Lamlia le lam chînhaia):

Jisua Krista thupêkhai chu - kholaidunghaia, inkongkârhaia, lam lian le lam chînhaia Thurchi Sa hril roi (Lk. 14:21,

le mi inriang invâi le irsamhai laia ei ife ngêt a nang a ni.

3. **Khuua Thu hril fe (Mat. 21:2) :**

India rama hin 10% ata 80 % mihriam hih khuua an oma, 20 % hi khopui (cities)-ah om an ni.

Khuua Thu hril fe hrangin team ringa ata kiruk siamin ei fe thei. Ei fe'n chu Jisua hih ei laia mahruaiin om a ti. Ama irhminga sintho hranga ei irchunghômin chu Jisua ei kuang om mai a ti (Mat. 18:19, 20).

Kho sũa Thu hril ei fe'n sũa khat sũa hni ei om thei, an innang dinghmun en thiaia om a nang. Hitaka a poimo tak chu "Fe suak" a ni.

4. **Rammual pumpuia fe hrang (Mk. 16:15) :**

Kristian chu Missionary thupêk ata zalên ni mak me, a omzia chu Missionary sintum ei nei chit tihna a ni. Thupêk ei ihmu chu - 'Thîr unglân, loihai hi en u ta, buhai chu ât thei zôi zelh hrangin a hmin ta,' (Joh. 4:35).

Ei Mission field chu rammual pumpui hi a ni. Koiindang inkhat hin rammual pumpui hi irfang suak zôi no ma ni; khan-nisian, ei thei lam dôr ei ife hrang a ni. Eini hih Missionary mani, missionary changpuitu mani chang hrangin lampui tam tak ei siam thei. Thurchi Sa hrilna hrangin ei hringnun hi ei hmang ngêt a nang. Thuhritu, Teacher, doctor mani, vântâng sinthotu changin mani a tak rama sinthôna tiang mi danghai kuang Gospel ei intungtir thei. Rammual pumpuia Gospel Thurchi inpuang hrangin, Jisua chuangna sakuartung neitu hrangin Kristianhai hi koina bîk lian ual an nei.

Insîrsôpna :

Mission sinthôna lama hin Koiindanga member-hai hih i dôr ten mo irpêkna an nei ta?

Chongchai thupui : Rammual pumpuia missionary hai, Mission

16th September, 2009 (Nilaini) :

Thupui : 16. Mikothai a`rhong

(Thup. 3:8; 1 Tim. 2:3-7; Thuhril. 12:6)

Chairman : _____

Thuhritu : _____

Philadelphia Koiindanga mihai laia Krista chonginkungna khah Kristian tinhai le Koiindanghai, Pathian tianga lungrîl pêkhai le A nâipa thina sika hringna neihai kuanga hi chonginkung hih hril nôk a ni.

1. **Hmun tina Mikot a`rhong (Mk. 16:15) :**

Hmun tina mikot a`rhongna san chu Krista thupêk sika a ni. Krista thupêkna ei idong chu - rammual pumpuia fea, thilsiam murdi laia Thurchi Sa (Gospel) hril darh le mihriam murdi kuanga Thutak hril hi a ni.

2. **Atûn hin mikot a`rhong (2 Tim. 4:2) :**

Atûn hin mikothai a`rhong ta. Zîng tiang, khohloi tiang, a zoro lai le a zoro loa khom Thurchi Sa chi ei itû mai hrang a ni. Zoro ei irchôk mai hrang a ni (Efe. 5:16). Avuana sintho hrang om hih nangtûka sin hrangin sonpaih no roh. Sintho zorohai sonpaih le thûlpaih kochok hi changkângna om ngai mah.

3. **Iamtu murdihai kuang Mikot a`rhong (Mat. 20:1-7) :**

Iamtu hai kuang Mikot a`rhong. Khasikin, Pathianin A nâipa hih sinthôna talent le Irtha thilpêkhai a pêka. Mi tin hih sinthôna boia intoh angin omchian thei ni ta mak me (Mat. 25:14-15; 1 Kor. 12:7-11). Inriang takhai le lekha thei loi mihai ta hrang khomin mission sinthôna mikot a`rhong ta.

4. **Mikot a`rhongna san chu mihriam sâng tam tak inzôk loi an la om sika a ni (Joh. 10:9-16) :**

Khannisian, Kristaa hin itinrêng ei nei thei. Irtha saturnahai ei hmua (Efe. 1:3). Ei innang tinrêng hai a ni pêka (Fil. 4:19).

2. Sintho zoina thu (Joh. 19:30) :

Krista taksa demnaboia inhlanna le a thisen zâra khan Pathian izong irthiangna le dikna murdihai hih fel takin lungchukna a om thei. Krista khah inhlanna dik tak a ni. Ite a dang inkhop thei sa ni mah. Kros-ah a sinthôna a zoi infel diam tâk sikin, Saninhringna hi man boiin ei idong a ni. Thil manboi pêk hih hlosuaka hmu thei zit ni maka, manboia dong chi a ni. Pathian lam tiang hin saninhringna chu inrenna tinrêng a oma, eini lam tiang chu iamna hi a ni. Sinthôna hin saninzôk ni mak me, Krista iamna zâra lungkhamnaa saninzôk kêng ei ni (Efe. 2:8-10).

3. Ihrungna thu (Lk. 23:46) :

Nangtûka hrang hih ei ichi zelh nang mah. Krista hih mizân, avuan le taituana danglam ngai loi a ni. Ama chu a bul (Alpha) le mongna (Omega) a ni. Jisua thu`nkung chu a mihai irhmang loa taituan hringna a pêk theina hranga a ni. Ama kut ata tûte irhmang no nihai (Joh. 10:28,29). Jisua Kristaa irngatna neituhai chu Pa kut ata enkolna le zôkna hmu a ti.

Pathian chu intak, dengtheina ata ni changpui theitu a nia, A roiinpuina makunga khan chitna om loiin a ni siah ngai (Jud. 24).

Insîrsôpna :

Gospel thu ei inei bana hin imo la om?

Chongchaina thupui :

14th September, 2009 (Sinphutni) :

Thupui : 14. Krista roiinpuina Gospel

(II Kor. 4:3 - 6; Rom. 1:16).

Chairman : _____

Thuhriltu : _____

‘Gospel’ ti chongbâi hih Grik chong “*Evangelion*” ata lâk a ni, a omzia chu ‘Thurchi Sa’ tihna a ni. Gospel thumal bul hong suakna chu “God - spell,” a ni; hi hih Anglo - Saxon chongbâi a nia, a omzia chu “Pathian thurchi” tihna a ni; kha khah lômna, raifâna thurchi a ni.

Sen tam takin, rammuala hin sakhua tam tak a oma; khannisian, Gospel chu inkhat vaih a ni; a san chu Gospel hin Cross hi a laimu (centre), thupui taka a ni sika a ni. Hi rammual taksa thil irzukna lai, rammual vâd dinghmun lai, tehelzonga thu ôi loina ram, sakhua lam thil ni loi (secular), sual porinche dinghmun kâra, irrual nona dinghmun kâra le mihriam dinghmun ringot ngaituana ram dinghmun kâra hin itinmo Gospel sinthotheina hi ei inpuang le inlût thei ta hrang? Hiang hin Paula’n a sâm, “... Pathian thutak irthup insîra nin laia ki hong laia khan thu roiinpuina le vârna roiinpuina leh hong ma ung. Nin laia ki om khoma khan thil dang murdi irngil zitin Jisua Krista hêmbea om thu vaih kha inhriat ki tum ngai a ni,” (I Kor. 2:1-5). Rom khuua Kristianhai kuang khom Paula’n hiang hin a`rziak, “Thurchi Sa chu inzakupui ma ung,” (Rom. 1:16). Paula irsongpuina chu Gospel Thu hi a ni.

KRISTA GOSPEL HI I MANI? :

1. **Gospel chu ngaidamna thu a ni (Lk. 23:34) :**

Gospel hi mi sualhai ngaidamna thu a ni. Jisua’n a hnungzuihai kuang Thu hril hranga a ibêhai chu hi hih a ni. - “Ama irhmingin irletna le sual ngaidamna thu Jerusalem ata nam tin laia insîr la ni a ti” (Lk. 24:47).

Thil sual ei tho sika mi sual ei ini ni mah. Mi sual ei ni

tak sikin a thia. Tianlaia ei سوالنا, atûna ei سوالنا le sûnmaton dênin Jisua'n an fâi zit tak. Atûn chu ei سوال murdi ngaidam a ni tâka, Pathian nâia pom ei hong ni ta.

2. **Gospel chu thu`nkung det le dikna a ni (Lk. 23:43) :**

Jisua hrangchat tona Kros-ah a kâi lai khan Kros-ah inkhâi sa mi سوال thi hrang tâk kuanga khan dik chiana thu`nkung a pêka, “Thudik tak nang ki hril, avuan hin ki kuang Paradis-ah om sa ni ti,” a tia. Khasikin, Jisua Krista ngaidamna thu iam-tuhai chu saninhringna thu`nkung pêk thei a ni. Rengpa'n a nî tin saninzôka omhai chu inpungin om mai an ni (TT. 2:47).

Sen tam takin chu atûna saninhringna thu`nkung dik chiah hmu theina hih an sêla. A san chu, hmun thumin hi saninhringna inhre thei mahai. Fe saih tâk saninhringna chu سوال hremna le سوال man inchôitir rengata sansuakna a nia; atûna saninhringna chu سوال thuneina ata sansuakna a nia, sûnmaton tianga saninhringna chu atûn lelea سوال ata saninzôka a ni. Fe saih tâk saninhringna chu thiamchangtirna a nia, atûna saninhringna chu irthiangtirna a nia, sûnmaton tianga saninhringna chu roinpuina a ni. Eini hih سوال man inchôitir hrang ata zok saih ei ni tâka, سوال sinthotheina ata saninzok tâk ei ni. Khannisian, atûna سوال hlîkpaingna chu sûnmaton tianga la om a ni.

Ei iamna hi intakna, lungdûkna le inthêmna ei tok lai hin an hring theia. Natna ei tuang lai takin, “Kha Irtha ngei khan einia irtha leh irkopin Pathian nâihai ei nih ti a nin hriat-tira” (Rom. 8:16). Hi irnênga hin inhriatpuitu inthum (triple witness) an om. - Irtha, tui le thisen kha, kha inthumhai khah an lunginrual a ni (I Joh. 5:8).

3. **Gospel hi irpôlkhômna thu a ni (Mat. 27:46) :**

John Wesley'n, “A rênga poimo lian tak chu ei kuanga Pathian om hi a ni”! Imo irpôlkhômna?

Johana lekhaton hi irpôlkhômna bu a ni. A phutna

mak mea, Pathian chu ei kuanga a om maia, Ama leh kum-tuanga ei la iom mai hrang a ni.

Irpôlkhômna thua hin, Martin Luther-in, “Krista leh Jail intângna inthim taka om hih inlalna rêngtoihmun changna a nia, Krista kop loa rêngtoihmun chang chu hremhmun a ni,” a ti. A dang chu hiang hin a hril nôka, “Pathian leh irpôlna hih vânram irphutna bulpui a ni. Kros sikin Pathian inpâk ei ti, kha Kros khan hi hnuaiia hin vân ram nikhuahai a ni pêk.”

Insîrsôpna :

Iamnotuhai laia Pathian lungthungna thu pêk hrangin i lampui mo a satak hrang?

Chongchai thupui :

Missionary-hai hrangin chongchaina nei ei ti, Dik tak le sataka Gospel thu an hril suak theina hrangin.

+++++

15th September, 2009 (Sinnôkni) :

Thupui : 15. Gospel Thu

(Zak. 13:1,7; Sam 23:1-6; Joh. 4:14; Fil. 4:19)

Chairman : _____

Thuhriltu : _____

1. **Lungchukna thu (Joh. 19:28) :**

Jisua Krista'n tui vaih ni pe maka, einia hin tui hring a insuak a ni (Joh. 4:14). Krista boia om hih mihriam intakna lian tak a nia, einia lungchukna ite om ngai mah. Sum puan hmûna an tuma; khannisian, hlochuk mahai. Sum hi tui puia tui ang a ni. Tui a in intam dôr kha, a tui an hrâl pe nôk ngai. Ram-mual inhoina, nupang pasal irnei thua inhoinahai, fâk le nêk